







IUSTI LIPSI  
DE  
AMPHITHEATRO  
LIBER.

*In quo forma ipsa Loci expressa,  
& ratio spectandi.*

Cum æneis figuris.




ANTVERPIÆ,  
Apud Christophorum Plantinum.  
clo. lo. LXXXIV.



AMPHITHEATRO  
LIBER  
DE  
IVSTI LIBRI

In quo foris ipsa Loci expressio  
Gratio habetur.

Cum encis figuris.



ANTVERPIÆ  
Apud Christophorum Plantinum.  
cla. l. lxxiv.



# NOBILISSIMIS

AMPLISSIMIS Q. VIRIS

IANO DOVSÆ,

PAVLO BVSIO,

ABRAHAMO AB ALMONDE,

ACADEMIÆ CVRATORIBVS,

I. LIPSIVS *dedico.*



P V S hoc meum, siue  
opellam potius, de  
Amphitheatro, vobis,  
Viri Amplissimi, in-  
scripsi: vt in parte ali-  
quā exfoluerem & la-  
xarem vinclum istud beneficiorum,  
quo artē me ligastis. Debere enim  
largiter me vobis fateor. siue meo no-  
mine: quod hospitem & pænē igno-  
tum excepistis, fouistis, ornastis. siue  
magis publico: quòd vitam ac spiri-  
tum reddidistis optimarum artium  
studiis, quæ profugæ inter insana hæc

A 2 arma,




*tale adnotant & decerpunt per partes. Sed me amor alius studij iam incendit, & acri quodam thyrso pectus mihi percussit alta illa Diva. Sapientiam intellego: cuius meracos purósque fontes numquam erit ut nimis misceam aut diluam mitioribus istis succis. Adhibebo tamen: sed ut lusum, non ut curam; ut accessionem, non ut opus. Quem eundem animum in his talibus, mi Lector, ex animo tibi opto. Salve.*

IVSTI



AMPHITHEATRUM TITI





AMERICAN



IVSTI LIPSI

## DE AMPHITHEATRO

## LIBRI

## CAPVT PRIMVM.

*Dialogi occasio. Florentij Laus. Urbs diruta,  
non diruta: & splendida eius ruina.*



VM Romæ adolescens admodum  
agerem, lustrandæ & noscendæ  
inprimis antiquitatis: familiari-  
tas mihi fuit sanè utilis cum Ni-  
colao Florentio populari nostro:  
viro, à quo elogium Veritas numquam sper-  
net veræ modestiæ & doctrinæ. Sed illa, in eo  
statim & adspectu ipso elucebat: hæc, se-  
creta magis & recondita, nec eruenda nisi in  
consuetudine aliquâ & vsu. Vt gemmarum  
lapidumque arcanæ vires, non nisi attritu &  
experiendo apparent: sic in plerisque vera eru-  
ditio, quæ interiori animo insita foras non spe-  
ctat aut pendet. Alienus enim uerò hic noster  
ab omni ambitione siue typho, Batauâ qua-  
dam simplicitate agebat: quiq. scire ipse, quàm  
sciri; nosse multa, quàm à multis nosci præ-  
B optabat.

Nic. Floren-  
tij laus.

Doctrina  
vera, non ia-  
ctabunda.



optabat. Sed cum primis illi studium & scientia locorum monumentorumq. veterum: quæ curiosè iam aliquot annos lustrabat, indagabat: acri quodam & directo iudicio, noua cum priscis, prisca cum illis componens. Haud temerè illum fugiebat, quid, non dicam in qua-que parte Urbis, sed Italiae, eximium fuisset: & ex leuibus quibusdam errantibusque vestigiis, mirum quàm sagaciter perueniebat ad cubilia ipsa. Cùm hoc igitur viro & sermo mihi tunc creber, nec infrequens ambulatio: cum studio quodam Antiquitatis incensus (cuius amor, vt cum Pindaro dicam, pupugerat mihi mentem) sæpe & peterem & promerem aliquid ex hoc thesauro. Quod ipsum accidit die quodam æstiuo pomeridiano, cum ego eum statim à prandio (vnà enim fueramus) manu prendens, Imúsne? inquam. Quò iam? inquit ille. Solemni nostro more, inquam, per colles istos ambulatum. Ille paullò adductior, At solem hunc non vides Lipsi? inquit. quem scire debes peregrino capiti Romæ non amicum. Ego cum risu, De sole securus es, meâ quidem causâ, inquam. Vetus ego illi alumnus, nec quidquam metuo à meo Phœbo. Ita mox sumptis palliis exiuimus, & præter Vipsanij Pantheon

Sol Romanus  
noxius  
insuetis.



Pantheon transgressi, collem Capitolinum ascendimus, descendimus: tandemque per Forum Ro. & Titi arcum siue fornicem euntes, haud procul stetimus à Principis eius \*mole. Pedem enim hîc fixit Florentius, Et vîsne Lipsi, inquit, dispersa in hoc campo ossa paullisper legamus magnæ matris? Romam dico. cuius reliquias & velut cineres adhuc vides, etsi crematæ non vno busto, euersæ non vno fato. Tres ad pulcherrimum hoc mundi opus evertendum dij conspirarunt, Cronus, Vulcanus, & pater ipse gentis.

\* Amphitheatro Titi.

Roma sæpius euersa, non periit.

*Non tamen annorum series, non flamma, nec ensis  
Æternum potuit hoc abolere decus.*

vt antiquus quispiam poëta verè ait. Scilicet hæc ipsa ruta & cæsa spirant etiam Romam vterem, & velut scintillas emittunt prisca splendoris. Ex parietinis ecce istis & ex lapidibus imago statim animo oboritur vrbis, quæ vna fuit ab omni æuo, vna erit. Sed iam distinctius lustremus. Viden' tu collem illum ad læuam? Esquilæ sunt. Radices eius? ibi Carinæ. paullo longius, Thermæ Titi. Hîc, Vicus scelertus. Et cum diceret ille sedulo atque indicaret; ego in aliâ cogitatione defixus, oculos & mentem omnem habebam in ædificio quod

Tacita quædam maiestas ruinarum.



Amphithea-  
tri semiruta  
moles.

exaduersum. Itaque latus mihi tetigit, & Itane aliud agis? inquit. Ignosce, inquam. Inuitos oculos meos traxit & velut fascinauit eximia illa moles. Et dic fodes, cuius hoc opus? quando? quâ fini? quâ olim formâ? Florentius renidens, Næ tu multa simul & semel petis, inquit. ac vereor, cum Plautino illo Sycophantâ, ne face & viatico nobis opus sit ad tam longæ narrationis iter. Tamen docebo te in parte. transi huc, & propius lustra.

Huc pertinet forma 1.

## C A P V T . I I .

*Ad Amphitheatri descriptionem aggressio.  
Primò de nominibus eius quesitum. Cur  
Amphitheatrum dictum, & cur Cauea.*

**I**AM intrauimus; & videmus ecce confusam loci faciem, & formam verè informem. Lacerata omnia & dirupta, nec aliud quàm egregij operis vmbra & cadauer. Itaque cum suspirio ad Florentium, Heu quæ ista res? inquam. Manu omnia diruta, vt video, aut collapsa æuo: sine articulis vllis prisca corporis, sine membris. & quis mihi eruet ex istis verum vultum? Periti, inquit Florentius. inter quos non ego: tamen quoniam auidè aues, lineas tibi



tibi eius operis videor posse ducere, & deformare id in parte. Adiuua hoc, Florenti, inquam ego, per tuam fidem. Certè si vllum opus dignum memoriâ & notitiâ nostrâ est; videtur istud. Nec erras, inquit. Itaque cum Aristophane

\*Εκ πάντων ποδῶν ἐς τὴν κεφαλὴν σοι πάντα ἔρω:

quod sciuerō quidem ego, poteroque. Nam quædam etiam esse, in quibus hæreo & caligo, non nego.

Vastum igitur hoc omne quod vides, spectaculi locus fuit & ludicræ voluptatis.

\*Colissæum, ut scis, hodiè dicunt: prisci Amphitheatrum, & sæpe Caueam, sæpe Arenam. Tria enim hæc nomina reperiō.

Amphitheatrum Græcâ voce ideò, quia gradus circum undique, & sedilia continenter disposita ambibant in orbem. Dio \*Cassius:

θέατρον κυνηγετικόν, ὃ καὶ Ἀμφιθέατρον, ἐν ᾧ περιεξπανταχόθεν ἔδρας ἀνδρῶν σκηνῆς ἔχειν, περιεῖρηται.

At Cauea Latinis; ab interiore hac parte quæ concaua, ut vides, & capaci quodam profundo.

Quòd nomen quidem apud antiquos (liberâ rep. dico) in \*theatris ferè hæsit: sed sub Principibus, cum gratia & usus Amphitheatrorum increbuisse, bono iure migravit ad ista.

Ammianus libro xxix. *Alter in Amphitheatrali*

\*A capite adu/que calicem cuncta edisseram.

\*Quia Neronis cum capite Colossus in vicinia. Trina nomina eius ludicri loci.

\*Lib. XLIII.

Cauea à cauo dicta prisci.

\*Et vix aliter apud Ciceronem ac veteres.

At nouis pro ipso Amphitheatro.



*trali caueâ, cum adfuturus spectaculis introiret.* Tertullianus contra Marcionem: *Quid? non in omnem libidinem ebullis? non frequentas solemnes voluptates Circi furentis, & Cauea sæuientis, & scæna lasciuientis?* Vbi cum sæuitiam Caueæ adtribuat, clarum est intellegi de Amphitheatro. Saluianus pariter: *Quidquid immoderationis in Circo, quidquid furoris in Caueis.* Iulius Firmicus: *Nati sub sidere Canicula, erunt venatores, arenarij, parabolarij, & qui sub conspectu populi, in Caueis, cum feris pugnent.* Prudentius:

\*Funera autem ad Scænam referri non possunt.

*Quid pulvis Caueæ semper \* funebris, & illa Amphitheatralis spectacula tristia pompa?*

Idem iterum de Virgine Vestæ quæ it ad Gladiatores spectandos:

*Inde ad cōfessum Caueæ pudor almus, et expers Sanguinis it pietas.*

Apuleius item apertè: *Dies ecce muneri destinatus aderat, & ad conseptum Caueæ, prosequente populo, pompatico fauore deducor.* Tertullianus (si recta lectio est) Caulam etiam in libello De Spectaculis dixit, nouè magis quàm impropriè: *Ceterum qualia illa sunt, quæ nec oculus vidit, nec auris audiuit? credo Circo, & utraque Caulâ, & omni Stadio gratiora.* Vbi  
eâ voce

Caula, pro caueâ.



eâ voce includit etiam Theatrum, nisi si legendum Caueâ.

## CAPVT III.

*Arena nomine dictum eundem locum. ideò quia sterni arenâ solitus. Cuius generis ea stratura? quàm varia? Plinius & Ouidius explicati. Arenarij. Tertullianus emendatus, & declaratus.*

**S**ED & Arenam dixere vulgò, scilicet quia is locus defabulari solet & arenâ sterni in usum pugnae. Nam si lapide aut ruderato: in tam crebrâ effusione sanguinis, lubrico statim pauimento, quæ ratio stândi aut certandi? Arenam iniecere igitur, quæ bibula: & quam ipsam renouare & velut inarare etiam soliti per interualla ludorum. Martialis ostendit, de Leone subitò efferato:

*Causa in-  
sternendæ  
arenæ.*

*Quam per  
pueros quos-  
dam, nò sine  
lulus specie,  
renouabant.*

*Nam duo de tenerâ iuuenilia corpora turbâ,  
Sanguineam rastris quæ renouabat humum,  
Sæuus & infelix furiali dente peremit.*

*Martia non vidit maius Arena nefas.*

Et credo quidem vulgariam arenam insterni solitam: nisi quòd quidam rasuram lapidis albi destinarunt etiam huic rei, quæsitâ gratiâ candoris. Plinius libro xxxvi. *Inuenere &*

*Arena à lapi-  
de abrafa.*

*alium*



Arena à lapide abraſa.

*alium uſum eius lapidis, in ramentis quoque, Circum maximum ſternendi, ut ſit in commendatione & candor. Nec ſcio an ad hunc morem, mentem & calamum Ouidius flexerit, cum de Gladiatorum ſpectaculo ſcribit:*

*Altera tresq; ſuper raſâ celebrantur arenâ.*

E minio etiam, aut chryſocol-  
la.

Raſam enim arenam ingerunt hîc conſenſu fidi & priſci libri, nec cauſſam adiectionis aliam facilè inuenio ab iſtâ. At Principes interdum, arenæ loco, inſtrauere minium aut chryſocol-  
lam. Plinius: *Viſumq; eſt Neronis Principis ſpectaculis Arenam Circi chryſocollâ ſpargi, cum ipſe concolori panno aurigaturus eſſet.* Suetonius de Caio: *Edidit & Circenſes quosdam præcipuos, minio & chryſocol-  
la conſtrato Circo.* Sed hæc monſtrorum aliquot dementia. quibus ſatis non fuit oſtentare opes ſuas in ſpectaculis: voluerunt & calcare. Ceterum Editorum vulgus contenti, ut dixi, arenâ. Inde ea vox paſſim pro certamine amphitheatrali, proque ipſo loco. Tacitus: *Spectacula gladiatorum idem ille annus habuit, pari magnificentia ac priora: ſed ſenarum Senatorumque illuſtrium plures per Arenam ſedati ſunt.* Iuuenalis:

Arena, pro certamine & loco.

— & municipalis Arena  
Perpetui comites.

Sueto-



Suetonius: *Equestrem ordinem ut Scana Arenâq; deuotum adsiduè proscidit.* Horatius:

*Ne populum extremâ toties exoret Arenâ.*

Capitolinus: *Multos qui secum in Arenâ pugnassent, se Praetores videre.* In edicto Aedilium:

*Quiue in Arenam, depugnandi causâ, ad bestias intromissus fuerit.* Sed nōne & Circus

An eâ voce  
& Circus veniat?

& Stadium, inquires, arenis strata? non & illa igitur in communionem admissa huius vocis?

Strata: sed non admissa. caue credas. quotiens-  
que Damnari in Arenam, Arenâ mitti, talia-

Non videri.

que in Iurisconsultis siue Historicis legis; cautè accipias de ferro tantùm, aut cultro. id est, gla-

diatoribus, aut venatione. & magis pro istâ. Imperator quidem clarè discriminat ecce à Cir-

co, lege VIII. C. De repudiis: *Nec ullo modo uxorem expellet nisi adulteram, vel Circensibus,*

*vel Theatralibus, vel \* Arenarum spectaculis se prohibente gaudentem.* In quo vsum quemdam

\* Id est, vtriusq; muneris.

sermonis obtinuisse potius, quàm rationem non infitebor. Ab hac stirpe Arenarij, qui in arenâ

Arenarij qui dicti.

depugnant. Symmachus: *Dies muneris nostri tempori admonetur: cui largitas candidati sola*

*non sufficit, si lautioribus Arenariis deseratur.* Arcadius Iurisconsultus: *Si ea rei conditio sit,*

*vbi Arenarium testem, vel similem, admittere*

C

cogimur.



\*Vulgò scri-  
bunt, *viris a-  
nimas. fami-  
nis aut illis.*

*cogimur. id est, Arenâ alterutrâ pollutum: ideo-  
que infamem. Tertullianus: Scenicos, Xysticos,  
Arenarios illos amentissimos, quibus\* viri ani-  
mas, femine autem illis etiam corpora sua sub-  
sternunt.* Ita scribendus indubiè is locus: &

Tertullianus  
declaratus.

significat pius & seuerus noster Censor, infa-  
niisse in hoc genus hominum non vnam Fau-  
stinam. Nimirum, vt poëta ait, --*ferrum  
est quod amant*: imò telum. Nec alia, quod  
sciam, loci huius nomina. Nam eiusdem Ter-  
tulliani illud inuolutum, libello de Spectacu-  
lis, cap. xii. emendatione verâ euoluo. Le-  
gunt vulgò: *Quid ego de horrido loco dicam  
quem nec periuria sustinent? Pluribus enim &  
asperioribus nominibus Amphitheatrum conse-  
cratur, quàm Capitolium omnium demonum  
templum est.* Frustrâ quæras hæc nomina. Scri-

Et correctus.

bo igitur, & distinguo: *asperioribus numini-  
bus Amphitheatrum consecratur, quàm Capi-  
tolium. Omnium demonum templum est.*

## CAPVT IV.

*Ex occasione, de diis quibus Amphitheatrum  
sacratur. Dianæ inprimis. Ioui Latiari,  
siue Diti. item Saturno. Ara Iouis in  
Arenâ. Macatio ad eam flata vnus è be-  
stiariis. Tertulliano ac Minutio lux.*

**Q**UOD vt tibi liqueat: non defugiam bre-  
uiter ea commemorare, quoniam id quo-  
que ad lucem huius rei. Dedicabant inprimis  
locum & ludum hunc Dianæ. Tertullianus:  
*Martem & Dianam vtriusque ludi* (Gladia-  
torium & Venatorium designat) *præsidem no-  
uimus.* Cassiodorus, magis distinctè, sacrat  
Dianæ Tauricæ. Nec ab aliâ causâ, Dianam  
pro ipsa Venatione amphitheatrali Martialis  
posuit:

*Diana, pro  
ipsa Venatio-  
ne amphi-  
theatrica.*

*Inter Casarea discrimina saua Diana.*

Sed & Ioui sacrabant, siue Latiari, siue Stygio.

*Iupiter La-  
tiaris.*

De illo, Tertullianus Apologetico: *Ecce in illa  
religiosissima Aeneadarum vrbe est Iupiter qui-  
dam, quem ludis suis humano sanguine proluunt.*

*Sed bestiariorum, inquitis. Opinor hoc minus,  
quàm hominum.* Idem scriptor, aduersus Gno-  
sticos: *Sed enim Scytharum Dianam, Gallo-  
rum Mercurium, Afrorum Saturnum victimâ*

*C 2 humanâ*



\*Ideò, me-  
dià, quia Ti-  
ti Amphi-  
theatrum in  
vrbe medià,  
vt infrà do-  
ceo.

Siue Stygius.

*humanâ placari apud sæculum licuit. Et Latio  
ad hodiernum Joui\* mediâ in vrbe humanus san-  
guis ingustatur. Minutius Felix: Iupiter cum  
Hammon dicitur, habet cornua: & cum Capi-  
tolinus, tunc gerit fulmina: & cum Latiaris,  
cruore perfunditur. Stygium siue infernalem  
interpretari eum videtur Prudentius:*

*Quid pulvis Caueæ semper funebris? & illa  
Amphitheatralis spectacula tristia pompa?  
Hæ sunt deliciae IOVIS INFERNALIS, in istis  
Arbiter obscuri placidus requiescit Auerni.*

*Et aram imò Ditis in Amphitheatro positam  
agnoscere, quæ sanguine hoc perfusa.*

\*Ita distin-  
guo & capio,  
non vt mu-  
nus Latiare  
appeller: sed  
vt Ioui La-  
tari fufum  
sanguinem  
in munere  
velit.

*Funditur humanus\* Latiari, in munere sanguis;*

*Confessusq; ille spectantum soluit ad ARAM*

*PLUTONIS fera vota sui. quid sanctius ARA*

*Quæ bibit egestum per mystica tela cruorem?*

*Quinimò ex Minutio colligas, solemne quod-  
dam ibi hominis sacrificium fuisse, velut ad*

Maestatio  
horreda, nec  
Romanorū  
cultu digna.

*committendos ludos. Ait: Hodieq; à Roma-*

*nis Latiaris Iupiter homicidio colitur, & quod*

*Saturni filio dignum est, mali & noxij hominis*

*sanguine saginatur. Mali, inquit, & noxij ho-*

*minis. id est, Bestiarij. Itaque labor vt in Ter-*

Tertulliani  
correctio.

*tulliani loco, quem primitus adtuli, cum me-*

*lioribus libris legam: Sed bestiarij, inquitis.*

*Opinor*

*Opinor hoc minus, quàm hominis. Sed præter hos deos, Saturnus etiam in partem venit huius tutelæ. Lactantius ita adserit, ex sententia Sin- nij Capitonis: Venationes & quæ vocantur Munera, Saturno adtributa sunt: ludi scenici, Libero: Circenses, Neptuno.*

## CAPUT V.

*Quando prima Amphitheatra cæpère. videri serò irrepsisse: idq. statim post Venationem. Sed lignea primò fuisse. mox è lapide, Statilij Tauri. Augustum deditum Venationibus. Dio correctus. Antiquariorum error in loco Tauriani Amphitheatri.*

**D**E impiâ vanitate, fatis. ad locum describendum redeo: cuius primum ortum & quasi natalem diu quæsiui frustrà. Non enim magis clarum, quando Amphitheatra hæc instituta, quàm quando Venatio ipsa. Quam posteriorem Gladiatoribus esse, & in Circi sede diu hæsisse: inducor non vanis \* coniecturis. Nata tamen Amphitheatra, nisi fallor, haud diu ante tempora reip. desidentis. & quidem temporanea primùm, & è ligno. Ita Curionem (illum Tribunicium dico, qui tuba belli

Ortus Amphitheatrorum non liquidus.

\* Quas pro-  
mo lib. 1. De  
Venat.



Curionis  
versatilis  
moles.

ciuilis) ligneam molem exstruxisse, quæ diducta, duo Theatra redderet; iterumque Amphitheatrum vnum, conducta, Plinius refert libro xxxvi. Et in Dione lego, Theatrum quoddam è ligno exstructum, corruisse cum multorum clade. Verba enim eius sic rescribam, li-

Coniectura  
in Dione.

bro xxxvii. Καί τι καὶ θέατρον πρὸς πανήγυριν πῖνα ἐκ ξυλῶν ἀκοδομημένον ἀνετράπη, καὶ ἀνθρώποι παμπληθεῖς ἀπώλοντο. non vt vulgò, ἐκ Σύρων. ex quo interpres nescio quid perplexi expedit siue impedit potius, *ad ludos de Syris*. Sanè valdè recepta & crebra, Spectacula hæc lignea. quod Vitruuius etiam suggerit, libro v. *Dicet*

Ligneatheatra & amphitheatra crebra.

*aliquis fortè, multa theatra Roma facta quot annis, nec ullam rationem harum rerum in his fuisse. sed errabit in eo, quòd omnia Publica LIGNEA theatra tabulationes habent complures, quas ne-*

Julius Cæsar  
exstruxit.

*cesse est sonare.* Et Cæsar ipse Iulius, iam Dictator, Amphitheatrum ligneum exstruxit in campo Martis: quod Dio Cassius adsignificare videtur fuisse inuenti noui. Libro xliii. πολλὰς, inquit, καὶ παντοδαπὰς ἀγῶνας ἔθηκε, θέατρον τι Κυνηγετικὸν ἰκρυάσας, ὃ καὶ ἀμφιθέατρον (ἐκ τῶν περὶ τὰς παλαιὰς ἐδρας αἰδοσμένης ἔχειν) προσερέθη. Dixi ligneum, quia Dio verbo vtitur ἰκρυάσας: & quia postea memoria eius nulla.

At sub

At sub Augusto, & Venatio valdè iam incre-  
buit, & increuit eius dignitas. Siue vnà cum  
opibus augescente luxu: siue potius, quia ipse  
Princeps valdè in hunc ludum pronus. Victor  
de eo: *Quòdque est lati vel amœni animi, oble-*  
*tabatur omni genere spectaculorum,* PRÆCI-  
PVE FERARVM incognitâ specie & infinito nu-  
mero. Et ipse Augustus in lapide Ancyrano fa-

Augustus  
fautor Vena-  
tioni cruen-  
tæ.

tetur, Venationes se dedisse, QVIBVS. CON-  
FECTA. SVN T. BESTIARVM. CIRCI-  
TER. TRIVM. MILLIVM. ET. QVINGEN-  
TA. Itaque statim Venationi tunc reperta pro-

Quot feras  
dederit, suis  
muneribus.

pria & mansura domus. Amphitheatrum\* ex-  
structum è lapide, Augusti suâsu, Statilij Tauri  
opibus & sumptu, in campo Martio. De quo  
Dio libro LI. ὁ Ταῦς & Στατίλι & Θέατρον π ἐν  
τῷ Αρεΐῳ πεδίῳ Κυωησετικὸν λίθινον καὶ ἐξεποίησε τοῖς  
ἑαυτῶ τέλεσι καὶ καθιέρωσε. id est: *Statilius Tau-*  
*rus in campo Martio theatrum quoddam Vena-*  
*torium, lapideum, & struxit suis impensis, &*  
*dedicavit.* Ait Dio disertè ἐν τῷ Αρεΐῳ πεδίῳ.

\*Anno vrbis  
DCCXXV.  
Tauri lapi-  
deum am-  
phitheatrū.

\*Antiquarij igitur nostri quomodo non errant,  
qui locant id in monte Cœlio? Præsertim cum  
& Victor in descriptione summariâ vrbis, pa-  
riter ponat in regione IX. Circi Flaminij: sub  
quâ Martius campus. Hoc solum primumq̃.  
lapi-

\*Martianus,  
aliiq̃ue.  
Archæologi  
nostri, hic  
archæi.



Caligule im-  
perfectum  
spectaculū.

Neronis itē  
non diutur-  
num.

\*Castrense  
Amphithea-  
trum, cuius  
ruinæ hodiē  
Romæ.

Correctus  
leuiter Pli-  
nius.

lapideum Amphitheatrum Romæ fuit, ad tem-  
pora Vespasiani. Nam quod Caligula struere  
cœperat apud Septa, Claudius omitti voluit,  
Suetonio narrante in Calig. cap. xxi. Et quod  
Nero postea magnificum in campo Martio e-  
rexit, fuit saltem è ligno. De quo Tacitus li-  
bro xiii. Annal. & Suetonius in Ner. cap. xii.  
Fateor & Castrense quoddam Amphitheatrum  
fuisse, Regione\* Esquiliis: quod P. Victor com-  
memorat: sed cuius structor mihi irrepertus.  
nisi si is Tiberius Imp. fuit, qui idem struxit &  
Castra. Pompeij Amphitheatrum nullum: nec  
Plinius tibi imponat libro xxxvi. cap. xv. vbi,  
*Pompeij Amphitheatri*, aperto librariorum er-  
rore leges, pro, *Pompeiani theatri*. Quod non  
monerem, nisi præteritum etiam Hermolao.

#### CAPVT. VI.

*Tauri amphitheatrum exustum, & repara-  
tum. Aliud maius à Vespasiano structum.  
vrbe veteri mediâ. Suetonius correctus.  
Fortasse & Victor. Titus dedicauit id opus.  
postea collapsum, & saepe instauratum.*

**S**TATILII ergo illud in multâ famâ, & vsu:  
donec ambustum sub Nerone. Xiphilinus  
admonuit, vbi de magno illo incendio: τό τε

Παλάτιον

Παλάπον τὸ ὄρε σύμπαν, καὶ τὸ θέατρον ἔταύρε  
ἐκαύθη. Et quanquam restitutum postea: (Vi-  
ctor id suadet, qui ponit inter opera, quæ æuum  
ferebant suo æuo: ) tamen quia incendio illo  
informius redditum & infirmius, occasio data  
Vespasiano & cupiditas struendi noui. Struxit,  
& quidem vt Suetonius ait, in mediâ vrbe: hoc  
ipsum, Lipsi, quod insistimus, quod manu ocu-  
lisque tangimus: & quod iure miremur iniu-  
riis restitisse tot annorum, tot bellorum. Ego  
interrumpens, Sermonis mihi venia sit, in-  
quam. Hoc illud, ais, quod vrbe mediâ? Val-  
dè erras. Oculis hunc vrbis ambitum, siue  
peticâ metire: à latere propius aberit, quàm  
ab vmbilico. Florentius, Pomœrium te deci-  
pit adolescens, inquit, nouæ vrbis: quod ab  
\*Aureliano, & post illum est. At veterem fini-  
tionem & limitem si inspicis: nihil verius Sue-  
tonij notâ. Cuius ipsa verba referre mihi pre-  
tium, vt emendem. In Vesp. cap. ix. *Fecit Am-  
phitheatrum vrbe mediâ, uti destinasse compe-  
rerat Augustum. Amplissimos ordines ἔξ exhau-  
stos cæde variâ ἔξ contaminatos veteri negligen-  
tiâ, purgauit supplenuitque. Scribo & interpun-  
go: amplissimum. Ordines.* Amphitheatro enim  
data laus & titulus, Amplissimi: non Ordini-

Causâ noui  
Amphithea-  
tri.

Quod vrbe  
mediâ Ve-  
spasianus  
cœpit.

\*Qui cam-  
pū Martium  
inclusit.

Labes elota  
in Suetonij  
verbis.



Solus Senatus, ordo amplissimus.

Quando Vespasianus coeperit.

Titus id absoluit.

Victoris parum clara aut certa lectio.

nibus. è quibus soli Senatui conuenire eum scio, nec tributum Equiti vnquam. Struxit autem Vespasianus in consulatu suo octauo: id est, vix biennio, ante vitæ finem. Inducor à Nummo, cuius inscriptio: IMP. CÆSAR. VESPASIAN. AVG. COS. VIII. P. P. & parte alterâ, expressa hæc Amphitheatri figura. Itaque coepit opus ipse, non absoluit; struxit; non exstruxit. At Titus summam manum imposuit, idemque dedicauit. Duorum ergo Principum opus: ideoque non malè Sex. Rufus qui ambiguè inscripsit, *Flauij Amphitheatrum*. etsi fama & vulgus Tito magis adiudicarit: siue fauore quodam in illum, siue potius ex Romano ritu, quo receptum opera censerentur à dedicatè. Non satis consideratè igitur Eutropius & Cassiodorus, qui fecisse Titum id autumant: magis Aurelius Victor, qui perfecisse. *Biennio post, inquit, ac menses ferè nouem, Amphitheatri perfecto opere, lautusque veneno interiit.* Vbi Lauti vox meis naribus parum elauta. quam enim habet sententiam? scribamque libens, *Amphitheatri perfecto opere, Lautibusque.* vel, *Lautisque.* Censeo enim duo opera commemorari ab eo Titi, Amphitheatrum & Thermas. Quas infrequentiori nomine

Lautus

Lautus adpellat: vti Festus Lautulas, *Loca ubi lauandi usum exercebant*. Durum hoc mihi ipsi videretur; nisi Victorem cogitarem, & reliquam eius, adfectatæ nouitatis, phrasim. Atque hi duo soli Principes fecere; alij refecere, cum casu aliquo læsum, aut igne. Inter eos M. Antoninus Pius, vt refert Capitolinus: *Opera eius, inquit, Roma hæc exstant. Templum Hadriani, Græcostasium post incendium restitutum, instauratum Amphitheatrum*. Item Eligabalus, Lampridij testimonio: *Amphitheatrum ab eo instauratum post exustionem*. Denique Senatus ipse eam tuitionem suscepit, sub Gordianis. Capitolinus: *Quid enim opus est de restitutione templorum, de\* thermis Titianis, de exedificatione Amphitheatri agere? Ita multorum curâ, & Genio quodam Perennitatis, peruenire tanta machina potuit ad hoc æui.*

Durus ipse,  
& ferrei styli  
scriptor.

Multa refe-  
cerunt Am-  
phitheatru.

\* Quæstio  
an in Agellio  
refectenda  
sit, lib. III.  
cap. I. *Apud  
balneas Ti-  
tias non au-  
tem sitas, vt  
libri. Nec ta-  
men adu-  
mo.*

## CAPVT VII.

*Communis Amphitheatri Titiani forma. Altitudo, & capacitas eius. Laus & præconia. Denique ubi situm. Martialis explicatus.*

VERE enim grandis. Altitudinem hanc vides? nunc quoque miranda est: etsi multum à vertice eius corruit, multum à pedibus

Altitudo  
Amphithea-  
tri.



\*Nam mole  
& xua, ma-  
gna hæc pō-  
dera clarè  
desident, ter-  
rà cedente.  
Adde agge-  
stum ruina-  
rum.  
Capacitas ca-  
ueæ gradilis.

\* subsedit. Ammianus de eâ: *Amphitheatri  
moles solidata lapidis Tyburtini compage, adcu-  
ius* SVMMITATEM ÆGRE VISIO HV-

MANA CONSCENDIT. Vides hunc orbem?  
is quoque capax: & supra tuam fidem. P. Vi-

ctor: *Amphitheatrum*, inquit, *quod capit loca  
LXXXVII. ∞.* Et de gradibus tantum intel-  
legit, credo: in quorum puluillis sedisse com-  
modè vult octoginta septem millia hominum.

At in ambitu illo superiore & circumiectis  
porticuum Aulis, non minus item spectarunt  
quàm dena aut duodena millia: siue stantes,  
siue in allatis cathedris sedentes. Iure ergo mo-  
lem hanc admiratus Cassiodorus, in hoc eu-  
logium erupit: *Hoc Titi potentia Principalis,  
diuitiarum profuso flumine, cogitavit ædificium  
fieri, unde* CAPVT VRBIVM potuisset. Et  
Martialis ante opera omnia orbis ponit, histo-  
ricâ non poëtica fide:

Ambitiosa  
saris laus, à  
Cassiodoro.

A Martiali  
item.

*Omnis Casareo cedat labor Amphitheatro:*

*Unum præ cunctis fama loquatur opus.*

Intellegit enim hoc Titianum: nec ad Domi-  
tianum illa, aut de Domitiano, vt alucinatur  
interpretum vulgus. Doctorum Curia mecum  
scit, non ista solum, sed totum Epigrammatum  
primum libellum in Titum conuenire & eius  
ludos,

ludos : quos in dedicatione huius Amphitheatri exhibuit per dies pænè\*centum. Idem poëta, venerabilem molem appellat:

\*Xiphilinus  
auctor.

*Hic ubi conspicui venerabilis Amphitheatri  
Erigitur moles, stagna Neronis erant.*

& simul locum præit, in quo hoc opus destitutum. qui pars fuit Neronianæ domus. Sub has laudes exclamaui ego, Iam ardeo Florenti, ardeo. restingue hunc ignem: & sigillatim mihi explica veterem germanamq. faciem huius loci. Florentius, Non inuitus, inquit. scio enim (præter ingenuam delectationem, quæ hîc adiuncta) nihil magis facere ad illustrandam rem omnem spectaculorum. Quorum cum tam crebra mentio in omni genere scriptorum: cur fugiam tenebras tuas pellere exigui sermonis face? Audi igitur. describam tibi omnem interiorem hanc molem, imò depingam: & quidem, quò magis capias, per partes. Benè enim olim Corynna ad Pindarum: \**Manu serendum esse, non sacco toto.*

\*τῇ χειρὶ δεῖ  
σπείρειν, ἀλλὰ  
μὴ ὅλῳ τῷ  
θυλάκῳ.



## CAPVT VIII.

*Ingressio in particularem Amphitheatri descriptionem. Primum de forma eius: quæ Ovalis ostensa. Calpurnius & Dio explicati. De solo Arenæ: in quo cloaca siue specus. & cui rei? Item de portulis.*

**S**ED vísne admoveamus nos paullùm ad inferiorem hunc parietem, vbi vmbra? Imò sedeamus etiam, si ita visum, inquam, in graduum his fragmentis. Simulque sedi ego. & ridens, ad Florentium, Quis scit, inquam, si locum nunc non premam magnæ alicuius vmbre? Florentius se quoque iam collocans, Id quidem facile, imò necessum est, inquit. Nam ad podium sedemus, & in orchestrâ. heu, quot hîc olim Senatores? Sed specta.

Ratio fabricandi Amphitheatri.

Theatri ipsius quæ forma.

Arenæ huius primum, siue Caueæ totius forma, non rotunda & orbicularis prorsum est, vt oculi tibi possint imponere: sed porrecta magis paulùm, & oblonga. Dimensio id adprobat: ratio ipsa operis: quia Amphitheatrum iunctum & factum ex duobus theatris, reiectâ scænâ. At Theatrum non iusti hemicycli formâ, sed amplius diametri quartâ parte fuit: vti etiam nunc ostendit figura reliqua

Theatri

Theatri Marcellæi. Ex integro enim circuli ambitu, quartam partem si abscindis: quod maius eius reliquum est, scito Theatrum id fuisse. Atqui ex iis, duo si iungis (ita tamen ut flexas lineas circa abscissionem, dirigas, vel potius extra leuiter flectas) Amphitheatrum habebis. Ad compositionem hanc & figuram Cassiodorus præluceat: *Cum Theatrum*, inquit, *quod est hemisphærium, Græcè dicatur: Amphitheatrum quasi in unum iuncta duo*\* *Uisoria, rectè constat esse nominatum.* Item Isidorus: *Amphitheatrum dictum, quod ex duobus theatris sit factum. Nam Amphitheatrum rotundum est, (non id quidem planè verum) Theatrum verò ex medio Amphitheatro est, semicirculi figuram habens.* Quo aptissimè comparat idem Cassiodorus: *Oui speciem, inquit, eius arena concludens, ut concurrentibus aptum daretur spatium, & spectantes omnia facilius viderent: dum quedam* PROLIXA ROTUNDITAS *uniuersa colligeret.* Itemque Calpurnius in Bucolico, de Venatione Carini:

*Et geminis medium se molibus alligat ouum.*

Nam geminas moles, duo theatra intellegit: eaque alligari vult in ouum. Qui aliter explicant, circumludunt sententiam poëtæ, non tangunt.

Duo theatra iuncta, Amphitheatrum exhibent.

\*Ita vertit Theatra, nec improprie aut dure.

Oui formam hæc loca.

Calpurnius illustratus.



gunt. Idem cum valle comparat, quæ cincta vndique supino monte.

Amphitheatrum valli cinctæ in orbem montibus comparatum.

*Qualiter hæc patulum vallis cõtendit in orbem,  
Et sinuata latus, resupinis vndique siluis,  
Inter continuos curuatur concaua montes:  
Sic tibi planiciem curuæ sinus ambit Arenæ.*

Nec versibus iis aliâ luce opus, nisi si apud elucum. Dio Cassius idem voluit, cum montem quendam cum Amphitheatro componit: ὥς ε, inquit, Κυνηγετικῶν θεάτρῳ τὸ ὄρϑον σύμπαν, ὡς μικρὰ μεγάλῳ εἰκάζει, εἰκέναι. Habes vniuersi huius caui formam; nunc aream vide. Ordinar enim cum architectis ab imo solo. Ea pura, sine substructionibus aut ædificiis, libera tota ad cursum ferarum & ad pugnam. Excipio quod in eâ alibi (partem enim non designo) Ara fuit è lapide: illa dico cruda Ara, quæ sacra Ioui Latiari. Prudentius id te docuit: si versus eius audisti non iacenti aure. Iam sub ipsâ areâ, cloacæ. Ita credere me iubet\* Andreas Fuluius: qui magnam etiam partem ædificij tolerari ab iis vult & sustineri. An ipse, an alius viderit, nescio: si vera traditio; ambigam, fuerintne re ipsa cloacæ ad exfugendum educendumque humorem illum\* stagnorum, prouidè structæ: an potius cameræ quædam & specus subterranei, ad

Arenæ area tota libera.

Nisi quod Ara in ea Ioui.

Cloacæ subterraneæ.

\*Lib. I. De mirabilibus Urbis.

Ad quem usum eæ fuerint.  
\*Nam in stagnis Neronis structum Amphitheatrum.

nei, ad custodiam & receptum ferarum. quas tamen illi indiligenter cloacas censuerunt. Siue etiam ad vsum aquarum, quas in Arenam occultè & subito inducebant atque educebant, ad Naumachias. Certè cum ferina magna vis cottidie in Amphitheatrum induceretur: quæri dignum est, quo loco eæ habitæ aut seruatæ. Non enim omnes simul emissæ. Si in ipsa area vîpiam: artarint locum. si extrâ: quomodo eæ statim perductæ, aut quî ad manum? Mea quidem opinio sit, partim subterraneos cauos fuisse, in quîs reconderentur sub ipsos ludos: partim depositas eas in caueis sub interiore istâ porticu, è quâ portulæ & aditus plures pertinent in Arenam. Non tam clarè eas portulas hîc vîdes (omnia enim hæc ruinis aggesta & obruta) sed Veronæ clarissimè: vbi vtrîque \* octo, nisi fallor, sub ipso isto podij muro. At non eæ certè ad spectantium vsum: quia in Arenam tantum conducunt, non ad subsellia aut gradus.

Feræ quomodo sub ipsam pugnam adierunt.

Portulæ in imo maris.

\*Dux enim alia aduersæ inter se, sed gradiores & vix portæ.



## CAPVT IX.

*De Specubus subterraneis, amplius. item de  
Cauis in Amphitheatris. Liuij defectus  
aut expletus, aut sententia eruta. porta in  
caueis, & Plauto lux. Emissio ferarum,  
& immissio.*

**E**T de specubus quidem siue cryptis, val-  
dè sententiam meam iuuat Cyriacus An-  
conitanus qui maiorum æuo Itinerarium scri-  
psit. In quo de Amphitheatro Veronensi, sic  
tradit: *Et nunc conspicitur locus rotundus Are-  
na, per totum magnis saxis undique structus, &  
ut ita dicam persilatus. cum intus CVBATIS  
& ANTRIS multiformiter redimitus sit.* Sicut  
de Cauis, Liuius libro xli. loco prorsus qui-  
dem fracto & mutilo, sed ex quo tamen non  
obscurè elicio quod facit istuc. Ait de Censo-  
ribus, locasse eos faciendos *carceres in Circo, &  
ona ad notas curriculis numerandas, &\*dam, &  
metas trans\** & CAVEAS FERREAS pe\* in-  
tromitterentur\* In Circo, vt scimus, olim Ve-  
natio exhibita, antè Amphitheatra. itaque  
huic fini ait Liuius caueas ferreas exstructas,  
per quas bestię (ita enim sententiam fuisse su-  
spicor, si non verba) intromitterentur in Are-  
nam.

Cauæ pri-  
mæ è ferro,  
quando?

Liuij fracta  
verba, ad  
eam rem.

nam. Nec de aliis caueis Statius 11. Silu. in Leone mansueto:

Statius explicatus.

—— stat cardine aperto

*Infelix cauea, & clausis circum undiq. portis  
Hoc licuisse nefas pauidi timuere Leones.*

Vbi nota mihi & Portas. quæ vel Cauearum sunt: vel potius istæ Amphitheatrales, de quibus dissero. Certè apud Plautum etiam Portæ in Circo ad bestias emittendas, in Persa:

Portæ in caueis.

Plautus explicatus.

*Ubi quid credideris, citius extemplo à foro*

*Fugiant, quàm ex portâ ludis cū emissu' sit lepus.*  
Quem locum totum silentio premit vber alio-  
qui interpres: qui (fatendum est) non lucem,  
sed umbram sæpe facit nostro Vmbro. Ostia  
videtur Varro adpellasse, de Re rust. *Ostium  
habere debet humile & angustum, & potissimum  
eius generis quod cochleam appellant. ut solet es-*  
*se in caueâ, in quâ* (verius fortasse è quâ: non e-  
nim certè in ipsâ caueâ pugnabant. nisi si Ca-  
ueam capit, pro Amphitheatro) *tauri pugnare  
solent.* Atque ex his caueis cum impetu quo-

Leuiter Varro correctus.

dam emittebantur in Arenam. Vopiscus in Probo: *Neque erat bestiarum impetus ille,  
qui esse caueis egredientibus solet.* ita enim verè  
& acutè emendauit olim laudatissimus ille Fa-  
ber. Capitolinus in Gallienis: *Cum quidam*

Emittere feras.



Item immit-  
tere.

*gemmas vitreas pro veris vendidisset uxori eius, surripi quasi ad leonem venditorem iussit. deinde cauea caponem emitti. Emittebantur ergo Caueis, iterumque in eas immittebantur post pugnam. Seneca de Ira: Curriculi rotarumque versata facies leonem redigit in caueam. Sed & portulas easdem ad hunc usum accommodare Vopiscus videtur, qui Aditus appellat. In Probo: Immissi deinde per omnes aditus struthiones mille, mille cerui, mille apri.*

## C A P V T X.

*Aliter atque aliter solere ornari hanc Arenam. in modum silvæ, in modum maris. Antra pro caueis: interdum Naues. Vopiscus, Apuleius, Calpurnius emendati.*

Ambitiosa  
editorum  
iumenta.

**A**TQUE hæc solens & vulgata Arenæ facies: cui non nego comptum aliquem novitium sæpe additum, & colorum quosdam fucos. Varia enim cottidie ab ambitiosis Editoribus excogitabantur, ut studia spectantium allicerent lenocinio quodam novitatis. Ita fuere, qui arboribus hoc planum confererent, & Arenam totam verterent in siluam. scilicet ut vivam imaginem exhiberent veræ germanæque Vena-

Venationis. Audax inuentum. & quod non melius tibi exprefferim, quàm ipsis Vopisci verbis, in Probo: *Venationem amplissimam dedit, ita ut populus cuncta diriperet. Genus autem spectaculi fuit tale. Arbores valide per milites radicitus vulsa, connexis longè latèque trabibus adfixæ sunt. terra deinde superiecta: totusque Circus ad siluæ consitus speciem, gratiam nobis viroris obtulit.* In qua extremâ clausulâ censeo legas, *gratiam noui viroris.* Quomodo enim, nobis? nec Vopiscus ipse certè inter spectatores fuisse significat: quod abnuir ætas. Neque tamen gratia aut laus huius inuenti penes Probum: reperio Gordianum iam antè factitasse idem, etiam priuatum. Capitolinum non aliter accipio, vbi de magnificis eius muneribus in Quæsturâ: *Feras Libycas uno die centum exhibuit, vrsos uno die mille. Exstat silua eius memorabilis, quæ\* picta est in domo rostrata Cn. Pompeij, quæ ipsius & patris eius & proauis fuit.* Imò æmulabantur id iam in provinciis: atq. Apuleius in muneris Corinthiaci apparatu describit. *Erat, inquit, mons ligneus adinstar inclyti montis illius quem vates Homerus Idaum cecinit, sublimi instructus tabulâ,* (liber scriptus quem à Gisellino meo sum nactus,

Arbores in  
arenam illa-  
tæ.

Vopiscor-  
rectio,

Capitolinus  
explicatus.

\*Munera e-  
nim pingi  
solere, docui  
lib. 11. Satur.



Apuleius  
correctus.

*instructus fabricâ, rectius refert) consitus viretis  
& VIVIS ARBORIBVS, summo cacumine de  
manibus fabri fonte manante fluuiales aquas eli-  
quans. Nec in solo solùm hæc variatio, sed in  
Cauéis ipsis. quarum loco inuenerunt antra  
quædam coëuntia & deëuntia, quæ velut è ter-  
râ emitterent subitò feras. Calpurnius hoc vo-  
luit, cum in Carini Venatione timidè miratur:*

*Ab miseris, quoties nos descendentis arena  
Vidimus in partes? ruptaq; voragine terræ  
Emersisse feras? & iisdem sæpe latebris  
Aurea cum croceo creuerunt arbuta libro.*

Calpurnij  
emendatio.

Etsi legi ibi malim, *discedentis arena*. vti & in  
Plinij de Curionis Amphitheatro, *discedentibus  
tabulis*. Intellegit enim, arte quadam & ma-  
chinis, antra illa, velut hiatus terræ, & aperta  
celeriter & operta: iterumque arbutis & vir-  
gultis tanquam crescentibus inducta. Quæ ipsa  
decora fuisse fatendum est, & blandientia sen-  
sibus imitatione quadam naturæ. At illud iam  
improbi acuminis, & nescias an exemplo quo-  
dam à sacrâ Noachi arcâ. quod nauim ædifi-  
care grandem aliquam solēt in ipsâ Arenâ, quæ  
solutilis esset, & subito luxata emitteret omne  
genus ferarum pro arbitrio magistri temperan-  
tis. Dio id scribit & narrat vbertim in Nerone:

Nauis ad  
vsum caueæ.

vult

vult etiam exemplum oblatum scelestæ illius  
navis quâ matrem necaret, ab hac Amphitheatrali. Verba eius commemini: ἐπεὶ δὲ καὶ ἐν

Neronis  
parricidium,  
quo exem-  
plo capiti.

ἔπαρσαν οὐκ ἐν τῷ ἔργῳ, καὶ κρύφα διὰ φαρμάκων  
οὐκ εἶχον αὐτὴν ἀνελεῖν, ναῦν ἰδόντες ἐν τῷ ἀμφιθεά-  
τρῳ διαλυομένην τε αὐτὴν ἐφ' ἑαυτῆς, καὶ πῶς θηρία ἀ-  
φείδον, καὶ σωισαμένην αὖ πάλιν, ὥστε καὶ ἐρρωθεὶς,  
τοιαύτην ἑτέραν ταχέως ἐνδωπηγῆσαντο. id est: Et  
quoniam eam eadem palàm non audebant, nec  
venenis clàm patrare facile id possent: navim  
quampiam in Amphitheatro cōspicientes ita fa-  
ctam ut sponte solueretur, ἔβησαν quibusdam  
emissis, rursus compingeretur ἔβησε rediret in prio-  
rem statum, visum iis huic similem adificare.

Nec minus clarè in Seuero: τὸ δὲ δεξαμένης ἀ-  
πάσης τὸ ἐν τῷ θεάτρῳ ἐς πλοῖς χῆμα καὶ τασιδυαδεί-  
σης, ὡς τετρακόσια θηρία καὶ δεξιάδς καὶ ἀφείναι  
ἀθρόως, ἐπὶ ταῖς ἐξαίφνης διαλυθείσης ἀνέδορον ἄρκτοι,  
λέωνες, πάνθηρες, λέοντες, σκῆδοι, ὄναγροι, βίον-  
τες, ὥστε ἐπικακόσια τὰ πάντα καὶ θηρία καὶ βοτὰ ὅμῃ  
καὶ διαθέοντα ὀφθῆναι καὶ σφαγῶναι. id est: Re-  
ceptaculum autem omnium ferarum in Amphitheatro exstructum erat instar navis: quæ capere  
simul ἔβησε emittere posset ad feras quadringentas.  
Ea autem desubito occultè soluta, exsiliabant  
ursi, lea, panthera, leones, struthiones, onagri,  
bison-



Mare siue  
aque in Am-  
phitheatris.

Natantia in  
iis marina  
monstra.

\*Hippopo-  
tamos intel-  
legit.

\*De ingeniis  
istorum ho-  
minum Se-  
neca ep. xci.  
Qui Euripos  
subito aqua-  
rum impetu  
implent, aut  
siccant.

*biffontes.* Nec naues solùm eiusmodi induxê-  
re in theatra, sed, quod magis admirêre, quo-  
dammodo mare ipsum. Reperti enim qui hoc  
omne rotundum, per occultos quosdam du-  
ctus & meatus, subitò aquâ replerent: & pro  
terrestribus feris, monstra maris ostenderent,  
& classes, & naualem pugnam. Ei aquarum  
inductioni, fortasse non aberret, qui subterra-  
neos illos canales adtribuât, de quibus suprâ.  
Carini Principis ludis id factum, visumque à  
se Calpurnius memorat:

*Nec solum nobis siluestria cernere monstra  
Contigit, aquoreos ego cum certantibus vrsis  
Spectavi vitulos, & \*equorum nomine dignum  
Sed deforme pecus.*

Et diu antè illum Nero id vsurparat, Dione sic  
narrante: *Aliquando, inquit, belluis interfectis  
& Venatione exhibitâ, subitò aquam in Amphi-  
theatrum\* induxit, & nauale certamen ostendit.  
rursûmque eâ eductâ, Gladiatores in loco præ-  
buit. denique inductâ iterum, magni sumptus  
publicum epulum.* Nec aliter Domitianus, qui  
vt Suetonius ait, *prælium equestre ac pedestre  
commisit: & in Amphitheatro, nauale quoque.*

## CAPVT XI.

*De muro qui Arenam cingit. de Podio quod super eum. eius forma. Dignissimum cum locum ad spectandum, Senatui adtributum, imò magistratibus. Aptum ad curules sellas. Principis ibi Suggestus, Tribunal pratoris: & Vestalium sedes.*

SED nōne extrā limitem eo, quod dicitur, extrāque oleas? Nam cum propositum mihi saltem natiuam genuinamque Amphitheatri faciem ostendere, addo etiam ecce colorum fucos & pigmenta. & vereor, Lipsi, vt cum fastidio tuo. Meōne? inquam. Imò merum mel & nectar, Florenti, bibo in hoc sermone. quem tu magis magisq. sitienti mihi liberaliter, quæso, infunde, &, vt ille ait, *πίονι μέτρω*. Florentius renidens, E genere Parthorum tu quidem es, inquit: de quibus increbuit, Quò plus biberint, plus sitire. Sed educam te è siticulosâ hac arenâ, & ad Podium transibo quod adsidemus. Nam post Arenam murus ecce iste occurrit, qui podium sustinet, qui que claudit & ambit infimum hoc solum. Podium enim ap-  
Quid Podium.  
 pello, proiecturam hanc quæ in summo muro, quæ paulum prouehitur & propendet instar  
 F                      pedis.



pedis. Vnde & nomen. Mænianorum ea quædam species est: facta in theatris, templis, ædibus, ad circumeundum, innitendum, spectandum. Mediolani inscriptio vetus est: DOMITIVS. PODIVM. CVM. LORICA. ET. ADITVS. VIVVS. FECIT. Salerni, alia:

T. TETTIENVS. FELIX. AVGVSTALIS

\*HS. L. M. N. LEGAVIT

AD EXORNANDAM. ÆDEM. POMONIS

EX. QVA. SVMMMA. FACTVM. EST.

FASTIGIVM

INAVRATVM. PODIVM. PAVIMENTA.

MARMOREA.

Et de his ipsis theatralibus, alia: THEATRVM.

\*Benè, Circumscriptit: quia in orbem circuibat & in ambitum.

STRAVIT. PAVIMENTO. PODIO. \*CIR-

CVMSCRIPTIT. Itaque vt clarè capias, non

aliud Podium hoc nostrum quàm muri pars

proiectior & prominentior antè imum specta-

culorum gradum: cui columnæ impositæ ad

ornatum, siue (cum libêret) ad innixum. Vi-

truuius describit non obscurè, magnitudine

etiam expressâ, si attendis, libro v. cap. vii. vbi

Magnitudo & ornatus podij.

de theatris: *Podij, inquit, altitudo, ab libramen-*

*to pulpiti cum coronâ & Lysi, duodecima orche-*

*stræ diametri. Suprà podium, columnæ cum ca-*

*pitulis & spiris, altæ quartâ parte eiusdem dia-*

*metri.*

*metri.* Cuius mens. vt, si orchestra tota, in quâ Senatores, (pone eam esse graduum quattuor aut quinque) alta pedes xii: tum ipsum podium vnus sit; columnæ eius, trium. Et addo victoriolas etiam reponi solere in podiis istis. Spartianus suadet in Seuero, vbi de Circi ludis: *Victoria*, inquit, *vento icta de podio stans cecidit.* Et Dio Cassius agnoscit in theatri scænis, libro L. cum refert inter prodigia, ventum tam grandem fuisse, ὥστε καὶ νίκης ἀγάλμα ἀπὸ τῆς θεάτης σκηνῆς πεσεῖν. Ad hoc Podium, spectare soliti primi è Senatu. Nam cum orchestra plurium graduum esset, dignissimus habitus ille imus qui Podio proximus & Arenæ. quippe ex quo facillima spectatio. Iuuenalis:

Primi Senatorum ad Podium.

— generosior est Marcellis  
Et Catulis, Paullique minoribus, et Fabiis, et  
Omnibus ad podium spectantibus.

Suetonius Aug. cap. xliiii. *Factum decretum patrum, ut quoties quid usquam publicè spectandum proponeretur, primus subselliorum ordo Senatoribus vacaret.* Primus, siue Imus. Ac nescio an inter ipsum Podium & Gradus spatij aliquid vacuum fuit latioris, in quo spectare soliti honorati. idque propriè, Ad podium spectare. Suadeor, quòd sellis curulibus spectasse

Spatij aliquid inter podium & gradus.

Sellis curulibus spectabant.



Sellis curu-  
libus specta-  
bant.

\*Docui abū-  
dē ad 11. lib.  
Annal. Tac.

Apparitores  
apud magi-  
stratus suos.

Suggestus in  
Podic.

Quis repperit.

quosdam reperio. vt Suetonius narrat de Augusto: *Commissione ludorum quibus theatrum Marcelli dedicabat, euēnit vt laxatis sellæ curulis compagibus caderet supinus.* Item, quòd fellas easdem honoris causâ positas \*absentibus, siue etiam mortuis. At sellæ ex non est vt commodè positæ in gradibus ipsis fuerint, commodissimè in hoc plano. Credamq̃. Consules, Prætores, aliosq̃ue quibus id ius, in curulibus suis ad podium sic sedisse, cum lictoribus, viatoribus, & magistratus sui pompâ. Tacitus hoc postremum ingerit libro xvi. Annal. cum præmia describit accusatorum: *Liberto & accusatori præmium opera, locus in theatro inter viatores Tribunicios datur.* ex quo necessum fuisse eos bono honestoque loco, & iuxta Tribunos ipsos. Nec immeritò. vt quisque magistratibus suis appareret. Nec magistratus solùm ad hoc podium designator ego colloco, sed & Principem ipsum. cui tamen eminentior quidam suggestus exstructus, & velut sua domus. Origo rei à Iulio Cæsare. quem Suetonius, inter alios honores quos nimios recepit, admisisse ait *statuam inter reges, SUGGESTVM in orchestrâ.* Secutiq̃ue Principes id tenuère, vt clarum ex eiusdem Suetonij

Ner.

Ner. cap. xii. *ſcarius, ait, primo ſtatim conatu iuxta CVBICVLVM eius decidit, ipſumq<sup>3</sup> cruore reſperſit. Nam perrarò præſidere: ceterum accubans primùm paruis foraminibus, deinde toto podio ad aperta ſpectare conſueuerat. Ex quo facilè colligis Suggeſtum illum tectum & inædificatum fuiſſe, ad modici cubiculi formam. cui proprium etiam ſuum Podium (de eo enim, non de grandi illo Amphitheatrali neceſſariò Tranquillum capis) quod oſtiis quibuſdam ſiue fenestris, Arenam verſus aperiretur. Plinius hunc morem ſatis illuſtrat, laudatione ad Traianum: quem commendat, quia ciuilitè ſuſtulit. Digna, inquit, victore populo ſedes (de Circo ſermo eſt) viſenda cùm ceterâ ſpecie, tum quod equatus plebis ac Principis locus. Siquidem per omne ſpatium una facies: nec magis proprius ſpectandi Ceſari SVGGESTVS, quàm propria quæ ſpectet. Licebit ergo ciuibus tuis inuicem con-  
tueri, dabitur non CVBICVLVM principis, ſed ipſum cernere, in publico, in populo ſedentem. Sed præter hunc ſuggeſtum, ad podium etiam Tribunal Editoris. Cùm enim aliis honoribus, vt liſtoribus & veſte prætextâ, inſignes voluerint eos eſſe qui ludos exhiberent; tum etiam altiori hac ſede, in quâ præſiderent.*

Cubiculi  
formâ, & no-  
mine.

Suetonius  
explicatus,  
aliter atque  
vulgus.

Traianus  
ſuggeſtum  
recuſauit.

Tribunal in  
Podio.



Suspignor ex Suetonij Augusto: qui *virginibus Vestalibus*, inquit, *locum in theatro separatim, & contrà Prætoris TRIBUNAL dedit*. Nam quod Prætozem nominat, eò est, quòd plerumque ludos ij exhibebant. At quin aliis etiam editoribus is honos & is locus, non ambigo. Ad hoc Tribunal refero, quòd Vitruuius in *omni pusillo & magno theatro fieri vult, itinera, ascensus, pulpita, TRIBUNALIA*. lib.v. cap.vii. Quod verò ad Podium ea sedes, cùm ratio euincit, tum Suetonius qui exaduersum collocat Vestales. Eæ autem ad Podium. Prudentius:

Vestales ibi-  
dem.

*An quoniam Podij meliore in parte sedentes  
Spectant, eratam faciem quàm crebra tridente  
Impacto quatiant hastilia.*

## CAPVT XII.

*Quod tutamen infimo illo podio fuerit à feris.  
Retia solere pratendi, benè nexa, benè firma. Versatilia item quedam ligna: Cancellos ferreos & Euripos. Sudatum in Calpurnij versibus.*

ET de Podio quidem hætenus. Transeo. Imò mane, inquam ego, mane. Magnus mihi hic metus. Circumspexit Florentius, velut quæ-

quærens. Sed ego cum risu, Non pro me, ne  
erres, inquam: sed pro Consulibus & hoc om-  
ni Senatu Romano. quos tu quidem in po-  
dio collocas, id est, in ipso ostio orci. Quomo-  
do enim hîc tuti à feris? quis leo, quæ panthe-  
ra illos non inuadat, tantillo ab Arenâ inter-  
uallo? Iam si elephas aliquis. heu! Risit hîc  
largiter Florentius: &, ô te hominem albo epa-  
te? inquit. profectò mater tua numquam fle-  
bit. Quid tamen hîc periculi? Murus iste quem  
vides, quiq; Arenam diuidit; scito altiore  
fuisse non paulò quàm pro hoc aspectu. Ipse  
corruit, & subsedit, & rudera aream alleua-  
runt. Non minus certè olim altitudinis ha-  
buit, cum hoc podio, duodenos quindenósue  
pedes. Quæ fera hunc transfiliat? Et tamen  
contrà inopinatos quoque casus, scito à cati-  
illis prouidè prouisum. Nam primùm retia va-  
lida, nodosa, in orbem vndique Podium hoc  
cingebant. Plinius ea intellegit libro xxxv 11.  
de Neronis quodam munere: *Tanta*, inquit,  
*copia succini inuecta, ut RETIA ARCENDIS*  
*FERIS PODIVM PROTEGENTIA succino*  
*nodarentur.* Et Calpurnius, qui retia illa in  
Carini Venatione format & torquet ex auro:

—auro quoque torta resurgent

*Retia*

Murus Podij  
olim satis al-  
tus.

Retia antè  
podij, quo-  
rum raritas  
scilicet non  
impediebat  
aspectum.

Retia illa  
per luxum  
inaurata.



Ligna rotan-  
tia.

*Retia, quæ totis in Arenam dentibus exstant.*  
Nec retia solùm, sed versatiles quidam trunci  
appositi muro & huic podio, contrà scansio-  
nem omnem ferarum & insultum. Calpur-  
nius idem allucet, sed faciem parum claram:

—nec non ubi finis Arena

*Proxima, marmoreo peragit spectacula muro,  
Sternitur adiunctis ebur (admirabile) truncis,*

\* Fortasse  
leg. Et coit  
in rotulam te-  
retem: quò lu-  
bricus axi.

*\* Et coit in rutulum, tereti quæ lubricus axem  
Impositos subita vertigine falleret ungues  
Excuteretque feras.*

Vitiosa scri-  
ptura, cui æ-  
grè medeor.

Versus enim dubiæ & intricatæ scriptionis. Le-  
gerim, *Et coit in rutulam*, siue, *rotulam*. vt velit  
truncos eos eburatos vtrinq. in rotulam cõis-  
se, atque ita insilientis feræ impetum fregisse,  
& vertendo excussisse. Nescio etiam an, *in*  
*ruptum*. Nam Ruplus in Glossis, *σεσφενς γα-*  
*λεάτης, καὶ ἀποψήκτιον*, cardo & vertebra ca-  
uex. Sed mentem facilius versuum horum ad-  
firmarim, quàm verba. Vult omnino trans-  
uersa quædam ligna versatilia obiecta muro,  
quæ feras fallerent dum enituntur. Ego hîc  
iterum, Anceps hoc præsidium, Florenti: &  
quomodo me firment versus tam infirmi? Sa-  
nè (rideas licet) ego etiam nunc in summâ ca-  
uicâ spectare eligam, nec inuideam Senatui  
orche-

orchestram. Contrà elephantes enim & immanes illas feras, quid? Parata arma, inquit Florentius. Nam aut clathris ferreis Arenam totam circumdabant: aut, quod certius, Euripis. Valdè enim id genus metuens aquæ. Plinius libro VIII. *Vniuersi* (de elephantis loquitur) *eruptionem tentauere, non sine vexatione populi, circumdati clathris ferreis. Qua de causa C. Cæsar Dictator postea simile spectaculum editurus, \* Euripis arenam circumdedit. quos Nero Cæsar sustulit, equiti loca addens. Et iamne securus? Haud planè etiam, inquam ego: sed perge.*

Contrà grandiores beluas quid præsidij.

\* Vide & Sueton. in Cæc. cap. XXXIX.

## CAPVT XIII.

*Gradus, & eorum forma. Diuisi accuratè in suas partes. Præuilli in iis. Præcinctiões. Aditus. Via. Cunei. Cathedra. Porticus. Vitruuius, Tertullianus, Martialis, Calpurnius, varij scriptores variè emendati aut illustrati.*

FLORENTIVS: Gradum igitur iam promoueo ad Gradus, & ad hos Subselliorum, vt sic dicam, colles. Non malè, colles. quia reuera per decliue iacentium ea forma.

G Itaque



Cliuosi gra-  
dus.

Itaque Calpurnius aptè descripsit:

*Immensosq; gradus, & cliuos lene iacentes.*

Distinctio  
graduum.

Malè enim aliquot libri, *diuos*. nec quidquam hîc sanè de puluinari. Sed vt totam hanc sedendi spectandiq; rationem subtili quadam Mineruâ intellegas, non crassâ: opus vt hoc omne spatium distinguam tibi per partes. Quæ erunt istæ. Gradus: Præcinctiões: Aditus: Viæ: Cunei: Cathedræ: Porticus.

Quid hîc  
Gradus.

GRADVS appellamus, vti scis, ea ipsa loca in quib; sedebant. Sic dicti in Amphitheatris, quia ad formam scalarium graduum, alij alios consequuntur. Eorum dimensio Vitruuio expressa: *Gradus, inquit, ubi subsellia componantur, ne minus alti sint palmopede, & digitis sex.*

Eorum di-  
mensio.

*Latitudines eorum, ne plus pedes duo semis; ne minus pedes duo constituentur.* Palmopede, id est, pede & palmo: siue palmis quinque. Palmus enim quatuor digitos continet: Pes quatuor palmos. Sed hæc tamen Vitruuiana altitudo non conuenit gradibus Amphitheatri Veronensis. qui, Torello dimetiente, altitudinè taxat pedem & duas vncias. id est, pedem & duos digitos semis & paulùm quod excurrit. Sed cur tam lati? parum enim ex symmetriâ & bono loci videtur, duos pedes & semis latos

Cur latiores  
facti?

latos eos facere. Quod verum est: sed latitudinem eam exigit, in contextu illo graduum ratio sedendi. Pedes enim eorum qui in superiore gradu spectant, innixi inferiori gradui proximo. qui ne læderent sedentes alios, néue ipsi læderentur; opus habuere aliquâ laxitate. Fortasse etiam ad ponè transeundum. Gradus autem isti è lapide. Vnde scitum illud Aristippi, Cui bono eruditio? Huic saltem, inquit, ne in theatro lapis sedeat super lapidem. Quamquam & sæpè è ligno. Serò repertum, ut puluilli insternerentur Senatui: idque primus Caligula instituit. Dio Cassius: τὰ τε περσκεφάλαια τοῖς βελουταῖς, ὅπως μὴ ἐπὶ γυμνῶν τῶν σανίδων καθίζον, πρῶτον τότε ὑπετέθη, καὶ πῖλος σφισι τὸν θετταλικὸν τρόπον ἐς τὰ θέατρα φορεῖν, ἵνα μὴ ἡλιώσῃ ταιλαιπωρῶνται, ἐπετέραθη. id est: *Puluilli tunc primum Senatoribus, ne nudis asseribus insiderent, subiecti, & pileos Thessalicos in theatra iis inferre concessum, ne insolatione torquerentur.* Ait clarè, Senatui tantum: postea tamen id etiam Equiti concessum, ex Iuuenali:

E lapide  
fuisse, pluri-  
mum.

Puluilli iis  
impositi.

— exeat, inquit,

*Si pudor est, & de PVLVINO surgat EQVESTRI  
Cuius res legi non sufficit.*

PRÆCINCTIONES sequuntur. quas, si

Quid præ-  
cinctiones.

benè capio, non aliud censeam quàm graduum interualla & diuisiones quasdam in orbem. Vitruuius aliquoties nominat: sed, vt in re tunc clarâ, describit parum clarè. *Præcinctiones*,\* inquit, *ad altitudines theatrorum pro ratâ parte faciendæ videntur: neque\* altiores quàm quantâ præcinctionis itineris sit latitudo.* Iterum: *Gradationes* *scalarum* contrâ *quadratorum* *angulos* *dirigantur ad primam præcinctionem.* Videntur autem siue ad Vomitoria & ipsos Aditus; siue in discriminibus Orchestræ, Equestrium, Popularium, gradus quosdam latiores altioresque struxisse, qui reliquos minores velut præcingerent & complecterentur. Vnde & nomen. Torellus certè obseruat in illo Veronensi,

\*Cap. III.  
lib. V.

\*id est: Cingulum non altius sit, quàm latum est illud ipsum subcingulare iter. de quo mox.

\*Et apparet clarissimè præcinctiones in Theatris.

Balthei.

\*Eaque re Zodiaci Zona, etiâ Baltheus à Manilio vocatur.

\*Gradum esse circâ medium qui duos pedes & uncias sex altus: cum reliqui tantum, pedem & uncias duas. Atque ea profectò Præcinctio. etsi Vitruuius & res ipsa, plures suadent vnâ. Baltheus id alio nomine vocatur, à pari causâ: quia velut \*cingulum quoddam latum. Calpurnius in Amphitheatro Carini:

*Baltheus en gemmis, en illita porticus auro.*

Tertullianus de Spectaculis: *Vias enim vocant cardines baltheorum per ambitum.* Ex quo disce, ad cingula etiam ista fuisse vias. Diazomata

Diazomata.

item,



item, Græcanica voce, commodè adpellat Vitruvius cap. VII. *Gradus, diazomata, pluteos.*

ADITVS deinde. qui in ipsa gradatione portæ quædam siue ostia, per quæ ab exterioribus porticibus venit & descenditur in ipsas sedes. De his Architectus: *Aditus complures & spatiosos oportet disponere, nec coniunctos superiores inferioribus, sed ex omnibus locis perpetuos & directos, sine inuersuris faciendos: uti cum populus dimittitur de spectaculis, ne comprimatur, sed habeat ex omnibus locis exitus separatos sine impeditioe.*

Aditus, quid appellemus.

Vomitoria appellat Macrobius, voce vulgi: libro VI. Saturnal. cap. II II. Ad illud Virgilij — *totis vomit edibus undam. Pulchrè & antiquè. Vnde & nunc Vomitoria (alij libri, Vomitaria) in spectaculis dicimus, unde homines glomeratim ingredienti in sedilia se fundunt.* Atque hæc foramina perspicua in hisipsis graduum reliquiis, itemque in illo Veronensi.

Vomitoria, dicti.

Ad VIAS venio. quæ, auctore Tertulliano, hîc duplices. *Vias enim vocant, cardines Baltheorum per ambitum, & discrimina popularium per proclium.* Optimè eruditus scriptor. Vult enim vias alias esse, quæ ad \* cardines siue limites baltheorum, in circuitu: alias, quæ à

Via inter gradus, duū generum.

\* Hæc vias, vocat Itinera præcinctionum Vitruv. cap. III.

De Tertul-  
liani loco ob-  
scuro.

\*Vide iam  
nunc in Cu-  
neis.

Discrimen  
aliquod in-  
ter Itinera &  
Scalaria.

In viis, ex-  
clusi specta-  
bant.

Vomitóriis illis, in descensu. Itaque ait, per proclium. Sed cur Popularium tantum meminit? eaque discriminari, & in cuneos suos tribui, viis illis secantibus, vult? Adhæresco. Excludere enim aperte Equestria & Orchestram videtur: aliter quam \* Suetonius, qui Cuneos in his agnoscit: ergo & Vias. Sed Popularia largè fortasse acceperit scriptor Afer, pro omni populi confessu. Vias has modò Itinera, modò Scalaria Vitruvius appellat. sed Scalaria tamen propriè, vias quæ inter Cuneos ad ascensum aut descensum. In his viis qui locum non habebant, quiq; ut suo verbo dicam, excuneati erant, spectabant stantes. Tertullianus: *Nam apud spectacula & in viâ statur.* Martialis facetè de falso quodam equite, libro v.

*Sedere primo solitus in gradu semper,  
Tunc cum licebat occupare, Manneius,  
Bis excitatus tæque, transtulit castra,  
Et inter ipsas panè tertius sellas  
Post Caiumque Luciúmque consedit.  
Illinc cucullo prospicit caput tectus,  
Oculoque ludos spectat indecens uno.  
Et hinc miser deiectus in VIAM transit,  
Subsellioque semifultus extremo,*

*Et malè*


*Et malè receptus altero genu, iactat*

*Equiti sedere, Lectioque se* STARE.

Cuius epigrammatis sententia ista. Manneium Martiali lux data. solitum antè Domitiani edictum sedere inter equites, & quidem in Equestrium primo gradu, qui ad orchestram. Sed agnitum & pulsum aliquoties à designatore Lectio, transisse tandem ad summam caueam, & spectasse inter plebem & pullatos. tantum non inter cathedras muliebres. Sed illinc quoque deiectum, spectasse in Via semi-stantem. Atque huius sententiæ etiam illud Taciti est, lib. xvi. de militibus, qui à Nerone dispositi *Per cuneos* STABANT, *nequod temporis momentum impari clamore, aut silentio* \* *segni præteriret.* \* Malo, segni. Nam stetisse eos censeo in his vtrisque viis. Latitudo Itineris ad balthcum, mihi ignota. Dimensio, viarum. censeo non minus, trium quattuorûe pedum. Si enim vulgarium graduum, Vitruuio deficiente, duo pedes & semis: quidni duplum istis? At Sclarium siue Ascensuum, altitudo in Veronensi apparet semipedis & vnciæ: latitudo, pedum binum. Humiliores ergo aliis sedentariis gradibus, parte dimidiâ. Formam ex ære hîc vides. Addo, canaliculas quasdam Canaliculæ in gradibus. & deriuationes aquarum ad oram extremam graduum



graduum fuisse, quâ Sclaria incipiebant.  
 Apparent in fragmentis lapidum.



& vsum, credo, habuerunt siue aquæ cælestis  
 deriuandæ, siue potius humanæ. Nam cum  
 dies totos in spectaculis persederent, quin vrina  
 reddenda fuerit, non ambigimus: ei que vsui  
 tribuimus hos incisos canales. Nam ad plu-  
 uiam, scire te volo pendulos leuiter & procli-  
 ues omnes gradus fuisse.

At CVNEI iam (Alexis *νεκρίδας* dixit) inter  
 has vias medij. Quidquid enim sedilium di-  
 uiditur præcinctionum itineribus, & secatur  
 latera-

lateralibus viis, in hoc nomen id venit. Nomen datum à formâ. quia reipsâ Sclarum directio talis, vt ab imo ordiens magis diffunderetur in altum: redderetq. cunei formam. Hoc modo, vide. Digi ti enim potius res est, quàm linguæ. Sed hoc mihi nota, vias istas Sclares non ab imò ad summum rectâ & sine interci sione isse. Contrâ est. dirigebantur saltem ab imâ orchestrâ ad primam præcincti onem. Ibi desinebant. & \*alternis aliæ incipiebant, cum cuneorum noua variatione. Ita si triplex præcinctio (& id ex Vitruuio suspicamur:) triplex etiam ordo & discrimen cuneorum. Nec absurdè fortasse senserim, si Cuneos & Præcincti ones finiam ac discriminem limitibus Orchestræ, Equestrium, Popularium. Architectus noster Augustalis, meo animo, describit non obscure: *Cunei, inquit, spectaculorum in theatro ita diuidantur, uti anguli trigonorum, qui currunt circa curuaturam circinationis, dirigant ascensus scalâsque inter cuneos, ad primam præcincti onem. Suprà autem alternis itineribus superiores cunei medi j dirigantur. Et adde quæ scribit cap. viii. Gradationes sclarum inter cuneos & sedes dirigantur ad primam præcincti onem. ab ea præcincti one inter eas iterum me-*

Cunei spe-  
ctaculorum.

Directio sca-  
larum alter-  
na.

\*Quod qui-  
dem clarissi-  
mè in Veronensi appa-  
ret, & Thea-  
tro Marcelli.

Retractatus  
Martialis  
versus.

nus memorat cap. XLIII. Sellas etiam Martialis nominat, nescio an pro cathedris an pro subselliis graduum ipsorum. Nam tenebræ mihi adhuc in isto eius versu:

*Et inter ipsas pænè tertius sellas*

*Post Caiumque Luciumque consedit.*

Rettuli quidem suprâ ad fæmineas sellas: sed repugnante, vt vereor, poëtâ, qui non vult Equestria cum egressum, sed in aliquâ semper eorum lineâ hæsisse. An sellæ etiam virorum? easque in gradibus ipsis collocabant? Ita pro-na quidem facilisque sententia sit, vt dicat missellum hunc irrepsisse inter Caij Luciique sellas, & pænè tertium sedisse cum duobus. sed ex illis quoque latebris protractum. Et fanè de fellis allatis & illatis, quidam mihi suadent. Suetonius Nerone, cap. XXVI. *Interdum quoque clam gestatoria sella delatus in theatrum, seditionibus Pantomimorum ex parte Proscenij superiore signifer simul ac spectator aderat.* Iuuenalis, in suo illo non inuidendo voto:

De fellis dubitatio non-  
arra.

— & duo fortes


*De grege Mæsorum, qui me ceruice locata*

*Securum iubeant clamoso insistere Circo.*

Vitruuij etiam ambigua verba: *Gradus, ubi subselliacomponentur.* Tamen magis est vt aliter fue-



AMPHITHEATRI INTERIOR FACIES QVALEM EAM  
FVISSE CVM OMNIBVS MEMBRIS SVSPIQAMVR.



1. *Ara*, quæ sacra Ioui Latiari. de qua dixi, cap. I I I I.

2. *Portulae*, per quas immiffæ in Arenam bestiae. Eas claufas ianuis  
fuiſſe credimus: non ſolum ad belluas, ne egreſſus patêret iam ſolutis;  
ſed etiam ad aquas coërcendas, cum iis Amphitheatrum impletum.  
ctſi ianuæ tunc fortasſe magis compactæ addi pro tempore potuêre.  
Vide ſuper his portis cap. V I I I. & I X.

3. *Podium*, cum ſuis columellis: & in medio Suggeſtus Imperato-  
ris. Dixi cap. X I.

4. *Præcinctio*, ſive Diazoma. id eſt, gradus altior & latior: cuius  
generis tres fuiſſe in Theatris Vitruuius docet. Sed in eo numero vide-  
tur etiam prima præcinctio collocanda, quæ ad ipſum podium. Itaque  
ſculptor noſter vnâ amplius expreſſit. Ambigo etiam, an non aliæ præ-  
cinctiones ornatæ columellis ſuis fuerint, vti podium ipſum.

5. *Vomitoria*, ſive Aditus. id eſt portulæ quædam quadratæ in ipſis  
gradibus, per quas in ſedia diffundebantur. Ad eas, minuti illi gra-  
dus ſcalares, vt per eos quiſque ad deſtinata ſubſellia ſua iret. Spatium

mediû inter ſcalares binos, Cuneum vocamus: quia quidamtenus  
ea forma eſt, vt in acie inſtruendâ Cuneum item vocant.

6. *Foramina*, ad tranſmittendos malos, quæ pauca hîc expreſſa, ſed  
tamen ibant in orbem: & externè à mutulis quibuſdam mali ſuſtine-  
bantur. Cetera opinor ſatis clara eſſe ex deſcriptione noſtrâ, quæ  
capite X I I I.

Ex officina Chriſtophori Plantini.





ter fuerit, ex iis quæ suprà dixi. Et Suetonij Iuuenalisque loci, euincunt non nisi de supero loco. quod fatemur vltro. An ergo in Martiali scribendum, *tertias sellas*? capimusque pulsum eum à primo subsellio ad tertium? Sed quam sententiam aut acumen tum habebit, *tò penè*? Iterum dico. parum mihi in hoc versu lucet aut liquet.

Tentatus  
Martialis,  
sed vereor vt  
manu pa-  
rum faustâ.

At de PORTICIBVS superioribus, è quibus tenuiores spectabant, satis certum. Calpurnius tangit:

Porticus  
quid.

—*en illita porticus auro*

*Certatim radiat.*

Vitruuius ostendit tectas fuisse: *Tectum porticus*, inquit, *quod futurum est in summa gradatione*. Ideoque non vanè suspicer à Tertuliano, Cameras, vocatas. De Spectac. *Deus etiam extrà cameras, & gradus, & apulias oculos habet*. Vbi de Apuliis, digitum tollo: & fateor me non posse hiscere probum de iis aut probabile verbum.

Easdem vi-  
deri cum ca-  
meris.

Hic inferenda 11. forma.



## CAPVT XIII.

*De ordine & locis in sedendo. Quando discrimen id factum. De orchestra. de Equestribus: & Tribunos quosdam novos fuisse inter Equites. De popularibus. de que loco pul-  
latorum & Faminarum.*

Populi Ro-  
mani tres  
ordines.

Diu confu-  
sio in Am-  
phitheatrali  
spectaculo.

**L**OCVM & eius membra satis descripsi. ad cuius tamen lucem nonnihil etiam faciet, si ordinem Ordinum in confessu noris & discrimen. Populi enim Romani, vt scis, prisca diu-  
uifio, in Senatum, Equitem, Plebem. His discreta in Spectaculis sua loca, & gradus. In Theatris quidem iam olim lege Roscia: at non ita diu in Circo & Amphitheatris. Promiscue enim ibi spectabant & quouis loco liberè, quamdiu libertas Romæ. Plutarchus indicat in Sulla: ἦν μὲν, inquit, θεὰ μονομάχων. ἔπω δὲ τῶν τόπων διακεκεμημένων, ἀλλ' ἐπὶ τῇ θεάτῃ συμμιγῆς ἀνδράσι καὶ γύναιζιν ὄντι, ἔτυχε πλησίον τῇ Σύλλᾳ καθέζομένη γυνὴ τὴν ὄψιν ἐμπροσθεν καὶ γένος λαμπρῆ. id est: *Spectaculum quidem gladiatorum erat. Locis autem ad spectandum nondum tunc discretis, sed mixtim sedentibus viris feminisque: accidit, vt propter Sullam mulier quæpiam sederet, facie & genere honesto. At id*  
mutatum

mutatum sub Principibus: & discrimina dignitatum facta, bono iure. Nec subtiliter hinc tempora exsequar. \*quid opus? Hoc scito, Senatui in Amphitheatris quoque suam sedem fuisse, suam Equiti, suam Plebi. Illam, orchestram dixere: alteram, Equestria: tertiam, Popularem. De orchestrâ ubique obuium. quæ vox nata in scænâ & pulpito, transiit communi abusu quodam ad alios etiam ludos. Sedes illi, ut Vitruuius ait, *inter gradus imos*. Is enim locus quia Scænæ & Arenæ proximus, ideoque oculis auribusque expositus: optimus habitus spectationi, siue auditioni. Cicero de Senectute: *Vt Turpione Ambinio magis delectatur, qui in primâ caueâ spectat quàm qui in ultimâ*. Horatius:

\*Feci enim accuratè in Comment. ad lib. xiv. Taciti.

Orchestrae vox, Græco ortu.

Vbi fuerit.

In imis gradibus, qui optimi spectationi.

*Ut propius spectes lacrymosa poemata Puppi*. Magnitudo eius, ut coniiicio, in gradibus quatuor aut quinque. aut fortasse pluribus, ut etiam Sacerdotibus ibi locum demus, & sociarum gentium legatis. Equestria autem, Senecæ nominata VII. De Benef. *Equestria omnium equitum Romanorum sunt. in illis tamen, locus meus fit proprius, quem occupavi*. Item Suetonio, in Calig. *Decimas maturius dabat, ut equestria ab infimo quoque occuparentur*. Et alius

Equestria.

lusit



Quàm ampla fuerint.

lulit argutatrix illa apud Petronium: *Ego etiam si ancilla sum, numquam tamen nisi in Equestribus sedeo.* Ea equestria lege veteri Quattuordecim gradus tenuêre. itaque passim legas sedere in quattuordecim: & pro ipsa equestri dignitate in Senecâ: *At meherculè multis quattuordecim gradus sunt clausi: non omnes Curia admittit.* Lege dico veteri. nam vt idem numerus sub Principibus fuerit, aucto immaniter numero equitum, non herclè inducor ad credendum. Et impellit me in alia omnia Calpurnius, qui ostendit totam mediam superioremque caueam occupatam ab equite ludis illis celebribus Carini:

Aucta videri sub principibus.

*Venimus ad sedes ubi pullâ sordida veste  
Inter femineas spectabat turba cathedras.  
Nam quacumq; patent sub aperto libera calo,  
Aut Eques, aut niuei loca complenêre Tribuni.*

Tribuni inter equites spectabant.

Ostendit se in porticu summâ spectasse inter fæminas, quoniam gradus omnes qui sub dio occupati ab Equite aut Tribunis. Nam hos quoque addit. nec intellegit illos notos Plebeios (caue erres: ) ne Militares quidem solos. vnde enim tanta eorum multitudo? sed genus nouum, quod vario agnomine sub Principibus natum. De quo copiosè dicendi non hic

\*locus.

\*locus. Eodem illo Tribunicio iure spectasse se  
in Equestribus Martialis ait:

\*Dico proprio libro,  
De magistratibus.

— *vidit me Roma Tribunum,*

*Et sedeo quâ te suscitât Oceanus.*

Nam quod de ære magno huius poëtæ suspicere, aut censu fuisse equitem: errabis. tenue semper & exsuccum hoc genus. Ipse id renuit, loco alio, & paupertatem clarè præfert:

Martialis  
quomodo e-  
ques.

*Sum, fateor, semperq; fui, Callistrate, pauper,*

*Sed non obscurus nec malè notus eques.*

Inter equites igitur, quia adnexum hoc Tribuniciæ illi dignitati. Et quidem hi Tribuni in gradibus primis spectabant, ex Horatiano veteri interprete: qui ad locum illum Epodôn, in Murenâ: *Sedilibusque magnus in primis eques:* commodè notat, Otho, inquit, *quattuordecim gradus in theatro equiti separarat, ex quibus primi Tribuniciis potestatibus vacarent.* Popularia

Popularia.

sunt loco tertio. & nomen eâ notione reperies in Suetonij Claudio, cap. xxv. *Germanorum legatis in orchestrâ sedere permisit, simplicitate & fiducia eorum motus, quòd in Popularia deducti, cum animaduertissent Parthos & Armenios in Senatu sedentes, ad eadem loca sponte transferant.* Et in Domitiano, verbis quæ retuli suprâ. Vlpianus etiam *Milites stationarios*

Vide Epistolic. nostras,  
lib. III. ep.  
xv III.



disponi à Præfecto vrbis vult, *ad tuendam Popularium quietem*. Callistratus, in spectaculis *Iuvenes quosdam accommodare se turbulentibus acclamationibus Popularium* scribit. Et scio vtrumque intellegere hunc plebis confessum.

Populi vox,  
pro solâ ple-  
be interdû.

Plebis. nam etsi populi voce vtuntur, quæ communis tribus ordinibus: tamen hîc pro vnâ eius & vberiori parte. Vti & apud Iuuenalem:

*Æquales illic habitus, similémque videbis  
Orchestram & populum.*

Popularia  
ipsa iterum  
diuisa.

Intellegit enim, in hac ipsâ Spectaculorum re, plebem. Popularibus autem adtributi reliqui omnes gradus. id est Cauea media, & Summa. Nam Ima Senatui & Equiti vacabat. Itaque propter granditatem, discrimen aliquod in ipsis popularibus: & pro variâ conditione plebis, variij adfessus. Quosdam, imò plerosque Suetonius expressit Augusto: *Militem secrevit à populo. maritis è plebe proprios ordines adsignauit. pretextatis cuneum suum. & proximum, pedagogis. sanxitque nequis pullatorum mediâ caueâ sederet. Faminis ne gladiatores quidem, quos\* promiscuè spectari solemne erat, nisi ex loco superiore spectare concessit*. Vbi de Pullatis quod ait, illustrent Calpurnij versus:

\*Suprà, ex  
Plutarcho.

Pullati ad  
superos rele-  
gati.

*O utinam nobis non rustica vestis adestet!*

*Vidis-*

*Vidiſſem propius mea numina. ſed mihi ſordes  
PVLIA QVE paupertas & adūco fibula morſu  
Obſtiterunt.*

Oſtendit enim ſe ruſticum & pullatum ſpectaſſe in caueâ ſummâ , procul à Podio vbi Princeps. Ideò apud Senecam de Tranquillitate, *Verba ad ſummam caueam ſpectantia*, ſunt vilia & ad guſtum minutæ plebis. At quòd Fæminæ in ſummo : etiam Propertius tuus oſtendit, vbi præcepta æmulantis Cynthiæ:

Item fæminæ.

*Tu neq; Pompeiâ ſpatiabere cultus in umbrâ,  
Et cum laſcium ſternet arena forum*

Propertij a-  
lia diſtincto  
& intelle-  
ctus.

*Colla caue inſectas ad ſVMMVM obliqua theatrū*  
Ita legendi & iungendi ij verſus. & mens eſt, Cum Gladiatores in foro: caue oculos adiicias, tu qui in equite ſpectas , ad loca ſumma , vbi mulieres.

## C A P V T X V.

*Confuſa aliquando locorum ſeries: eâq. occupa-  
ta. Æs pro Locis. Plautus explicatus, &  
Suetonius, & Martialis. Diſſignatores, eo-  
rum munus. Excitare. Tribuni voluptatum.*

**E**T hi quidem limites, hic ordo. quem tamen migrabat & miſcebat ſæpe Quirium turbida plebs. Auidi enim multi ludo-

rum, & exclusionis metuentes, loca de multâ nocte occupabant, & inhærebant vt suis.

Lampridius in Eliogabalo: *Serpentes per Mar-sicæ gentis sacerdotes collegisse fertur: eosque subitò antè lucem, vt solet populus ad ludos celebres conuenire, effudisse.* Benè dixi, occupabant. eo enim verbo id vulgò notabant. Martialis:

Occupare  
propriè,  
quid.

*Tunc cum licebat occupare, Manneius.*

Spartianus in Iuliano: *Ad Circense spectacu-lum itum est: sed occupatis indifferenter omnium subsellis, populus geminavit conuicia in Iulia-num.* Suetonius Calig. cap. xxvi. *Inquietatus fremitu gratuita in Circo loca de mediâ nocte oc-cupantium, omnes fustibus abegit.* Ait Tran-quillus, *gratuita loca.* Ergone aliquid aliàs pendendum? Apparet: & quidem prisco etiam æuo. Certè Plautina Prologus, (etsi non Plau-ti) id indicat receptum in seruis:

Loca pretio  
aliquo distri-  
buta.

Plauti ante-  
legio lux.

*Serui ne obsideant, liberis vt sit locus.*

*Vel as pro capite dent: si id facere non queunt;  
Domum abeant.*

Etiam in aliis è plebe, opinor, qui locariis ne-scio quid pro sedibus pendebant. Ita appellat Martialis, qui loca designabant. In Hermetis gladiatoris laudibus:

*Hermes*



*Hermes suppositicius sibi ipsi:*

*Hermes diuitia locariorum:*

*Hermes cura laborumque ludiorum.*

Nam Locarij, meo animo, non aliud hic quàm dissignatores. Quos Tertullianus in ludis agnoscit, libello De Spectaculis: *A templis & aris, inter tribus & tibias, duobus inquinatissimis arbitris funerum & sacrorum, Dissignatore & aruspice.* Plautina eadem illa Prologus agnoscit in scænâ:

Locarij, qui homines locant, disponentque.

*Neu dissignator præter os obambulet:*

Quinetiam lictores illis adtribuit:

Dissignatores cum lictoribus.

*-- neu lictor verbum aut virga mutiant.*

Qui enim hoc refert ad lictores magistratum: errat. Nullæ in hac Histricâ prouinciâ eorum partes. Sed vt dissignatores in funere publico lictores comitabantur, seuerioris imperij causa & ordinis seruandi: sic in theatris. De funebri dissignatore, Horatij illud nosti:

*— dum ficius prima calorque*

*Dissignatorem decorat lictoribus atris.*

Non quia proprij Dissignatorum vlli apparitores (viles enim ipsi olim & fortasse inter libertinos:) sed accipiebant à \* Domino funeris & Editore ludorum. Ex hoc genere, Lectius ille & Oceanus apud Epigrammatarium: nec

\* In Saturnalijs dixi, lib. 1. cap.

Creuit co-  
rum digni-  
tas.

magistri illi aut Præfecti ludorum (nugæ istæc interpretum) sed meri designatores. Quorum tamen dignitas sub Principibus aucta. Vlpianus benè monet l. II II. De his qui not. infamia: *Designatores, inquit, quos Græci Βεγαβ-  
τὰς appellant, artem ludicram non facere Celsus  
probat: quia ministerium non artem exerceant.  
Et sanè locus iste hodie à principe non pro modico  
beneficio datur.* Horum munus, ordinibus sua  
loca adnotare, pellere occupatores ab alienis.  
Facetè sæpe meminit acutus & capitalis ille  
Hispanus, per occasionem edicti Domitiani,  
quo *licentiam in equite promiscuè spectandi* (quæ  
contrà leges eruperat) *cohibuit.* Et id dicebant  
theatrâli verbo, Excitare aut Suscitare.

Pellebant  
loco non di-  
guos.

Excitare.

*Bis excitatus tērque, transtulit castra.*  
Alibi: *Et sedeo quâ te suscitât Oceanus.*  
Suetonius Augusto, cap. XII II. *Cùm spectacu-  
lo ludorum gregarium militem in quattuordecim  
sedentem excitari per apparitorem iussisset.* De  
quâ eâdem re Appianus: καὶ ὁ Καῖσαρ τὸν σε-  
τιώτην ἀνέστησε. Sed addo etiam. labente æuo,  
præter designatores, videri fuisse digniore quo-  
dam nomine Tribunos: qui electi ad mode-  
randas & temperandas ludicras populi volu-  
ptates. Ij dicti, Tribuni Voluptatum. Quo-  
rum

Tribuni vo-  
luptatum.

rum formula & munus, apud Cassiodorum libro VII. Variar. epist. x.

## CAPUT XVI.

*Tubi occulti in Amphitheatris ad Sparsiones. Eas è croco diluto fuisse. Apuleius emendatus. Videri eundem liquorem è statuis emissum. Pluria ad hanc rem exempla.*

**V**IDEOR de loco omnia dixisse: certè ea quæ in aperto. Nam quin lateant etiam nunc quædam, non nego: quæ tamen, lucis tuæ causâ, protraham in claram lucem. In eo genere tubi sunt siue fistulæ: quæ in imo & summo Amphitheatro dispositæ, eâ arte & fine, ut odoratum quemdam humorem eiacularentur leuiter & inspergerent in sedentes. Is humor, Fistulæ Amphitheatrales. è croco plerumque. Seneca epist. xci. *Utrum tandem sapientiores putas, qui inueniunt quem-*  
*admodum in IMMENSAM ALTITUDINEM CROCVM LATENTIBVS FISTVLIS exprimat?* Idem libro II. Quæst. Natural. *Nunquid dubitas quin SPARSIO illa, quæ ex fundamentis MEDIÆ ARENÆ crescens, in SVMMAM ALTITVDINEM AMPHITHEATRI peruenit, cum intentione aquæ fiat?* Apuleius lib. x.

*Spargebant crocum ex imâ Arenâ.*

*Tunc*



Apuleij cor-  
rectio.

*Tunc de summo montis cacumine per quādam latentem fistulam in excelsum prorumpit vino crocus* (ita emendo ex vet. codice nostri Gisellini) *diluta, sparsimq; defluens pascentes circa capellas odorato perpluit imbre.* Benè Apuleius, *odorato imbre.* quia è fistulis illis, per minuta quædam foramina stillabat is liquor in modum imbris. Et signatè locutus est Antonius Musa apud Senecam patrem, qui *Sparsiones, odoratos imbres* dixit. Vbi magnus ille Turnebus à se & à vero abit, dum tentat sufficere *adoratos imbres*: & perperam ad missilia refert.

Sparsiones  
propriè.

Nam rorem illum ingeniosum, Sparsiones vocabant aptè. Glossæ priscæ: *Sparsio Κεχροέγυσις.* Et Martialis Spargendi verbo in eo usus:

*Hoc rogo non melius, quàm rubro pulpita nimbo*

SPARGERE, & effuso permadiuisse croco?

Et nimbum item aliquoties appellat: vt lib. 1.

Ex cum im-  
bre aut nim-  
bo compa-  
rantur.

*Et Cilices nimbis hinc maduere suis.*

Libro IX.

*Lubrica Corycio quamuis sint pulpita nimbo.*

E statuis  
etiam fusæ.

Nec è fistulis solùm hic imber, sed scito magis inuento è statuis expressus, velut humanus quidam sudor. Lucanus clarè indicat:

*Utq; solet pariter TOTIS se effundere SIGNIS*

*Corycij PRESSURA CROCI: sic omnia membra*

*Emisere*

*Emisere simul rutilum pro sanguine virus.*

Et ex theatri Marcelli configuratione conspicuum, in mediâ & summâ Præcinctiōne statuas plures fuisse; partim ad ornatum, partim ad hunc vsum. Eas autem scire licet concavas fuisse: & per immissas \*fistulas ferreas siue æneas, minutis foraminibus, velut per poros & membra expressum hunc humorem. non sine præsentī quidem auxilio & manu administrorum, qui in parte infernâ. Ego interrompens, Hæc mihi mira, inquam: sed dic tamen, orote, clarius, quomodo crocus exprimi arida potuerit in hunc imbrem? Non enim capio. Ille concusso capite & ridens, Crocūsne mera aut arida? inquit. Mi iuuenis erras. Vino diluta fuit, vt Apuleius tibi præibat, si filum attentè sublegisses eius sermonis. Mixtum videlicet tritumque florem eum herbæ fuisse cum vino: quod colorem deinde adsumeret & odorem. Plinius aperit: *Crocum*, inquit, *vino mirè congruit, præcipuè dulci, tritum ad theatra replenda.* Itaque liquidum crocum Ovidius dixit:

*Nec fuerant liquido pulpita rubra croco.*

Et fluxisse eum per gradus, Spartianus in Hadriano: *In honorem Traiani balsama & crocum per gradus theatri fluere iussit.* Vbi de

\*Quas fistulas grandes fuisse suspicamur, & alias minores, quæ ab illis diffusæ per membra.

Quoq. modo id fieri potuerit.

Crocus non ipsa, sed vinum cā tritum, ad sparsiones.

Per gradus fluebat.

Etiam balsamum.

Balsamo item notabis, etsi minus id crebrum. At de Croco, in omnibus spectaculis protritum: etiam Scænicis. ideoque solemnes crocos Propertius agnominavit:

*Pulpita solemnes non oluere crocos.*

Sparfiones vnguentorum in conuiuiis, ab hoc inuēto.

Adeò vt etiam supinorum hominum deliciis è theatris in conuiuia sparfiones migrarint, & eadem illâ arte vnguentis perfusi conuiuæ. Plutarchus de Othone narrat, disposuisse eum in triclinio variis locis ἀργυρῆς καὶ χρυσῆς σωλῆνας, ὥσπερ ὑδωρ τὸ μύρον ἐκχέοντας: *argenteos atque aureos canales, instar aquæ, vnguenta fundentes.* Quod item in Neronis nepotinis sumptibus Tranquillus recensuit, cap. xxxi. *Cænationes eius laqueata tabulis versatilibus, eburneis, vt flores: & fistulis, vt vnguenta desuper spargerentur.* Ita enim eum locum legamus: quoniam duo ibi versatilia, & Tabulæ ad flores, & Fistulæ ad vnguenta.

Suetonius rescriptus.



## CAPVT XVII.

*Vela in theatris & Amphitheatris. Quando eorum vsus cœperit. Colorata ea fuisse. aliquando serica, aliquando & purpurea, auro distincta. Testimonia plura.*

TEGMEN etiam Amphitheatro latet: quod superduci solet, arcendo æstui ac soli. Tegmen hoc è velis. Primus inuentor rei Q. Catulus: aut certè iam inuentæ, primus Romæ imitator. Valerius Maximus: *Religionem ludorum, crescentibus opibus, mox secuta lautitia est. Eius instinctu Q. Catulus Campanam imitatus luxuriam, primus spectantium consessum velorum umbraculis texit.* Ammianus de eadem re, libro XIII. *Ex turbâ verò minimæ sortis & paupertinæ, in tabernis aliqui pernoctant atris, nonnulli velabris umbraculorum theatralium latent. quæ Campanam imitatus lasciniam Catulus in Ædilitate sua suspendit omnium primus.* Plinius libro XIX. de velis: *Posteà in theatris tantum umbram fecere. quod primus omnium inuenit Q. Catulus, cum* \*Capitolium dedicaret. Eius ritus vestigia in ipsis Amphitheatris, vbi Foramina in summis lapidibus ad funes velorum illigandos. vt in Nemausensi

Vela à Q.  
Catulo re-  
perta.

\*At Ædilitati eius id tribuit Ammianus.

illo clarè: & in summo hoc Romano quædam grandiora, per quæ coniecimus traici & in altum dirigi antennas solitas velorum funes sustinentes. At ipsæ deinde antennæ siue mali, per foramina ea immissæ & demissæ mutulis quibusdam excipiebantur, firmitatis causâ. Ad antennas autem subrectas, funes ligati & extensi; super quos, ducta vela. Testimonia etiam sparsa in veterum scriptis. Propertius:

*Et modo tam pleno fluitantia vela theatro.*

Suetonius in Caio: *Gladiatorio munere, reductis interdum flagrantissimo Sole velis, emitti quemquam vetabat.* Martialis:

Ducere vela  
& reducere.

*Quamuis non modico caleant spectacula sole,  
Vela reducuntur cum venit Hermogenes.*

Vitruvius præfatione lib. x. *In muneribus quæ à magistratibus, Forogladiatorum Scenisque ludorum quædam dantur, quibus nec expectatio nec mora conceditur: ut sunt sedes spectaculorum, VELORVMQVE INDVCTIONES.*

Lampridius in Commodò: *Cùm illi sæpe pugnant ut deo populus fauisset; irrisum se credens, populum Romanum, à militibus classiariis qui vela ducebant, in Amphitheatro interimi præcepit.* In quo mihi nota milites è classe præpositos huic muneri: scilicet quia maritimi illi,

iure

iure periti tractandorum velorum. Petunt etiam quidam, apud Plutarchum in Romulo, Velabri etymon ab hoc ritu; acutè sed non verè. *ἐνίοι λέγουσιν*, inquit, *τὴν εἰς τὸν ἵπποδρόμον φέρουσαν ἔξ ἀγορᾶς πάροδον, ἰσίοις καταπεταυνύουσαν τὰς τὴν θύαν παρέχοντάς, ἐνταῦθεν ἀρχομένης ῥωμαῖσι ἢ τὸ ἰσίον Βῆλον ὀνομάζουσι.* id est: *Quidam aiunt viam illam quæ à foro ad Circum fert ab editoribus ludorum velis solere integri, initio à Velabris factò. Romani autem Velum appellant, quod nos Histium.* Non verè dico: quia Velabri vocem diu notam & natam antè hunc ritum (qui Catuli ævo inductus) satis clarum. Colorata variè vela ista fuisse, ad ornatum, Lucretius ostendit versibus sanè ad hanc rem luculentis:

Velabri vanum etymon.

Variegata ea vela coloribus.

*Et vulgò faciunt id lutea, rufaque vela,  
Et ferrugina: cum magnis intentæ theatris  
Per\* malos volzata trabesq; trementia pēdent.  
Namq; ibi cōfessum caueai subter, & omnem  
Scenai speciem, patrum matrumq; deorumq;  
Inficiunt, coguntq; suo fluitare colore.*

\*Nota firmari, quod suprà monui de Antennis.

Et Carbasina vela Plinius libro xix. nominat, cum auctore: *\*Carbasina deinde vela primus in theatro duxisse traditur Lentulus Spinther Apollinaribus ludis. Mox Cæsar dictator totum forum Romanum intexit, viamq; sacram ab domo*

\*Intellegit candicantia, & è tenuissimo lino. Nō Q. Catuli etiam è lino; sed vulgari & rudi.



*sua usque ad clium Capitolinum. quod munere ipso gladiatorio mirabilius visum tradunt. Miratur & stupet in Cæsariano facto Plinius, vel quia tantum spatij inductum: vel quia velis tam pretiosis. Nam Serica ea fuisse Dio tradidit, etsi parum adfirmatè, libro XLIII. καὶ ἵνα μηδένα τῶν θεωρῶν ὁ ἥλιος λυπήσῃ, ὡς ἀπετάσματα ὑπὲρ αὐτῶν σπρικὰ, ὡς γέ πινες φάσιν, ὑπερεπέτασε. id est: Née quis spectantium à sole infestaretur, vela super eos Serica, ut quidam tradunt, extendit. Nec scio fanè an Plinij libris non exciderit ea Sericorum vox. Iam Nero purpurea etiam vela suspendit, stellis aureis variè interstincta. Xiphilinus: τὰ γε μὴν παρεπετάσματα τὰ διὰ τῆς αἰρὸς διαπιδέντα, ὅπως τὸν ἥλιον ἀπερύκει, ἀλουργὰ ἦν, ἥ ἐν μέσῳ αὐτῶν ἄρμα ἐλαύνων ὁ Νέρων ἐνεσίκετο, ἀσέρες δὲ χρυσοῖ πέριξ ἐπέλαμπον. id est: Vela etiam quæ per aërem expansa ad arcendum solem, purpurea erant. inque iis mediis Nero acu pictus, currum agitans (videlicet instar Phœbi) circum verò undique aurea stella.*

Dubitatio de integritate Pliniani loci.

Purpurea vela à Nerone.

## CAPVT XVIII.

*Eadem Vela à Iuuenali Velaria dicta. Quid Velarij Augustei. Umbellæ usum & causæ fuisse, velis non expassis. Martialis & Uopiscus explicati. Umbellati clauis.*

**H**ÆC ipsa Vela, nisi fallor, Iuuenalis Velaria dixit illo versu,

—*pugnas Cilicis laudabat & ictus,*

*Et pegma, & pueros inde ad Velaria raptos.*

Nec enim interpretes hîc audio, qui Velaria locum esse adserunt vbi vela reconduntur. Imò aliam ego lucem Iuuenali do, & ita capio: quasi laudarit & stupuerit adulator ille, quòd ludis gladiatoriiis, pueri è pegmate subitò in altum occultâ quadam machinâ rapti sint, & ad Vela ipsa. Sanè recepti in Amphitheatris tales lusus, talesque raptus. Qualis etiam ille Martiali expressus, de Tauro cum Alcide in æthera rapto, populo spectante & adstupente.

*Iuuenalis explicatus.*

*Raptus artificiosi & sublationes, in pegmatis.*

*Raptus abit MEDIA quod ad æthera Taurus*

ARENA,

*Non fuit hoc artis, sed pietatis opus.*

Lego etiam in veteri inscriptione, PRÆPOSITVS. VELARIORVM. DOMVS. AVGVSTÆ. sed alio sensu: quia Velarios ibi accipio, qui præpo-

*Velarij, pro hominibus.*

præpositi velis in aula ducendis. Ita in aliis lapidibus: VELARII. DE. DOMV. AVGVSTI. & alibi: VELARII. DOMVS. AVGVSTANÆ. Sed redeo ad Theatrica nostra vela. quæ mo-  
 neo non semper extensa: quia sæpe id impedi-  
 ebat ventus. Nec mirum in tam laxo & ca-  
 paci circo. Hispanus poëta:

*Aut Pompeiano vela negata, Noto.*

Quid tum igitur? inquires. spectabantne inde-  
 fensi à Sole? Non prorsus. duplex iis etiam  
 tegmen, siue Pillei, siue Umbellæ. Pillei quĩ-  
 dem Thessalici, vt suprà ex Dione rettuli. quem  
 eundem ego censeo cum Macedonico, siue  
 Causiâ: inductus à Martiale, qui inter Apo-  
 phorëta Lemma habet, *Causiam*: (malè enim  
 in plerisque libris, *Gausapa*.) & accommodat  
 ad hunc theatralem ritum:

*In Pompeiano tectus spectabo theatro:*

*Nam populo ventus vela negare solet..*

Significat disertè, vsurum se tegmine Causiæ  
 contrà solem, si ventus inuidisset vela. Ad  
 eundem vsum refero Pilleos in theatris ab Edi-  
 toribus interdum datos, siue birros. Vopiscus  
 in Carino, vbi Iunium Messallam eiusque ef-  
 fusionem in ludis acerbè taxat: *Donati sunt*  
*ab Atrebatibus birri petiti, donati birri Canu-*  
*sini. At*

Vela ventus  
 sæpe nega-  
 bat.

Tunc Um-  
 bella succe-  
 debat, aut  
 Pilleus.

Martialis il-  
 lustratus &  
 correctus.

Pillei quã  
 siac dati.



*fini.* At de Umbellâ, Martialis idem:

Umbellâ.

*Accipe quæ nimios vincant umbracula soles.*

*Sit licet & ventus, te tua vela tegerent.*

Quam à faciendâ umbrâ dictam scito, nec aliud tegmen quàm quo hodie in Italiâ passim suprâ caput suspenso vtuntur, per viam & in æstu. E lino formant, instar obtusæ & breuioris metæ, quod orbiculatâ virgâ extensum, baculo sustinent suprâ caput erectum. Iuuenalis de eâdem:

Earum forma.

*En cui tu\* viridem umbellam, cui succinam mittas.*

Et Umbellati clauī apud priscos Architectos, qui capite paulatim instar turbinis latiore: itemq. Umbellati flores Fœniculi, Anisi, Sambuci apud hortenses scriptores. Denique umbella, quod *αὐράδω* Græcis.

\*Colorabant enim, vt patet, pro favore conuicte in hanc illamque Cuiusdam Prætorum, venetam, &c.

## CAPVT XIX.

*Per occasionem, de pilæ quasitum. fuerint ne eo vsi Romani? Non videri: imò nec Gallos aut Germanos. Certa tamen tempora fuisse, quibus permissum tegmen: certos item homines. Nodi plerique omnes in eâ re, & scriptores explicati.*

**D**ESIERAT Florentius, & iam surgebat. sed ego iniectâ blandè manu, Viam mihi

L

aperis

aperis eius sermonis, inquam, in quem deferri diu mihi votum. Itaque, per tuam fidem, qui tam multa hodie me docuisti, hoc quoque velut ἐπιμετρεῖν admetire, de Romanorum capite tecto siue intecto. Nam causiam iis tribuis aut pilleum: sed tantum per ludos. quid ergo censeam? reliquo eos tempore fuisse intectos? ægrè id crediderim, in moribus nostris tam aduersis. Florentius renidens; A viâ in semitam me abducis, inquit. quam tamen, quoniam valdè velle te video, percurram pede leui. Caput apertum & sine tegmine habere, non Romanis solum olim; sed quod magis mirère, etiam Græcis veteribus, & fortasse Germanis, Gallisque nobis commune. De Græcis: ecce apud Homerum non causiæ non pillei vîquàm mentio. nec celat nos eius interpretes, quin silentium id ab hoc ritu. At de Germanis, inducit me facilè Tacitus: qui cirros eorum nodosq. commemorat, tegmina nusquam. imò de Sueuis, clarè satis ostendit pugnasse eos etiam capite aperto, crinibus religatis in altitudinem quandam & terrorem. Et comatos nostros Gallos, quidni credam eâ parte intectos? Ni fuissent, & pleræq. imo Europæ gentes: non pilleum apud Parthos demum Martialis, vt nouum, quæsisset:

Pleræque olim gentes capite nudo.

Græci.

Germani.

Galli.

*Frustrà*

*Frustrà blanditiæ veritis ad me:*

*Ad Parthos procul ite pilleatos.*

Parthi tamē  
pilleati: &  
quod aibi  
legisse icio,  
Daci.

Sed de Romanis ipsis, securius pronuntiem:  
quia signa mihi in illis & argumenta plura.  
Primum, nummi omnes veteres statuæque (in  
quibus cultus scilicet & habitus priscus) sine  
tegmine semper. Scriptores item prisce, pil-  
leum aut petasum abstinere videntur à vulgo.  
Quò facit valdè Suetonij locus: qui Iulium  
Cæsarem ex omnibus decretis sibi honoribus,  
non alium libentius aut crebrius vsurpasse ait,  
quàm ius laureæ coronæ perpetuò gestandæ.  
idq. ad caluitium celandum. Obsecro vt quid,  
si pilleus aut petasus illis? qui certè aptior &  
fidelior ad dissimulandum caluitium, quàm  
corona. Quinctiliani item Oratoris sui descri-  
ptio. in quo cum vestium omnium singilla-  
tim meminerit, vsque ad calceos: in capite ta-  
men format & fingit solum capillum. Sed vol-  
sellis te pungo: ecce telum. Eustathius Ho-  
meri interpres disertim scribit τὸ τὰς Κεφαλὰς  
ἀκατάλυτῆς ἔχειν, ad Romanos transisse à pri-  
scis Græcis. Cui auctoritati quid opponas? Ta-  
men fateor Tempora quædam & Homines  
spectandos, quibus ius & vsus tegendi. Tem-  
pora quinque: Sacra, Ludi, Saturnalia, Pere-

Argumenta  
quibus pil-  
leum sperni-  
mus à Ro-  
manis.

Excipiuntur  
tempora quæ-  
dam.



**Sacrorum.** grinatio, Militia. Nam Romanos dum sacrificabant, capite scimus fuisse velato; idq. prisco quodam & obuio ritu. **Ludorum.** Idem in Ludis fuisse, docui iamantè. **Saturnaliũ.** Etiam Saturnalibus, per quos liberrimæ vitæ dies pilleus admissus, signum scilicet libertatis. Martialis: *Permittis puto pilleata Roma.* Idem:

*Dumq; decent nostrum pillea sumpta Jouem.*

**Peregrinationis.**

Sed & peregrinatio quoque petasum bono iure sibi sumpsit, contrà pluuias, æstus, ventos. Plautus vbique addocet, qui peregrè euntibus aut venientibus \* petasum aptat. Cicero item alibi in Epistolis, describēs tabellarios iturientes, *Petasatos eos venire, ait, & comites exspectare ad portam.* Nec aliũ mentis illud Suetonij de Augusto: *Solis ne hiberni quidem patiens, domi quoque non nisi petasatus sub diuo spatibatur.* Ait, domi quoque. quasi nouum illud & insolens innuens, quod alibi quàm per viam. Denique militiæ pilleos non adimo, inhibitus à Vegetio: *Usque ad præsentem, inquit, ætatem consuetudo permansit, ut omnes milites pilleis quos Pannonicos vocant ex pellibus uterentur.* Nam aliàs, exempla etiam in militibus pilleorum rara. Iam Homines etiam certi, ut dixi, quorum vertex immunis à communi

\* Qui distinctus ramen à Pilleo. quod ille ad umbram faciendam marginatus, ut nostri galeri (forma enim in Mercurij statuis) hic rō item, sed quales dormitorij aut nautici pilei.

Militiæ.

**Excipiuntur & Homines.**

more.

more. Primum Liberti. quos in pilleis fuisse, Libertino-  
ui.  
nouâ libertate, notius & testatius est quàm vt  
hîc dicam. Addo Ægros. quibus hoc quoque Ægri.  
licuit, capiti firmando. Ouidius indicat, qui  
Amanti suo præt ad morbum & pallorem fin-  
gendum, & pilleolum tribuit inter signa:

*Arguat & macies animum. nec turpe putaris  
Pilleolum nitidis imposuisse comis.*

Artemidorus etiam, qui de Somniis scripsit  
non somniculosè. Nam libro primo argutè  
obseruat, ἔλα ἀντὶ τειχῶν ἔχειν, νόσος μακρὰς καὶ  
φθίνων ἀεὶ ἀπορρίπτει: *lanam pro capillis habere, lon-  
gos morbos & tabem significare*: nimirum quia  
pilleoli isti è lanâ. Sed & Græcis πιλίδιον rece-  
ptum in morbo. Plato III. de Repub. εἰάν τις  
αὐτὰ μακρὰν διάλυσιν ἀπορρίπτῃ, πιλίδια τε περὶ τὴν  
κεφαλὴν περιπτύξῃ. Sed & Senibus pilleum tri-  
buerunt, à pari causâ. Varronis fragmentum  
adsignificat, è libro I. de Vita populi Romani:

Etiam apud  
Græcos.

Sepes.

\* *Minores natu, inquit, capite aperto erant, capil-  
lopexo, utique innexis crinibus.* Et Nicepho-  
rus Gregoras ostendit eum morem cum Ro-  
mano imperio Byzantium etiam translatum,  
libro X. in extremo: *De capitis tegmine*, ait,  
*moris apud superiores Principes erat, vt atate  
proueetiores aulici pilleis turbinatis uterentur, se-*

\* Aliud ergo  
in maioribus,  
fuisse vide-  
tur.

rico tectis: iuniores autem omnes prorsus nudis essent capitibus. Andronico autem Imperatore, is mos adeò exoleuit, ut passim omnes & seniores & iuniores pilleis uterentur, non minus in palatio quàm in agris: iisque variis & peregrinis. Sed tamen permissum hoc potius senibus credo, quàm crebrò vsurpatum. Romæ quidem. nam vbi exempla? Et contrà Varronis verba, nonnihil etiam inuenire possim, quod probabiliter obstringillem. Quartum denique genus cum pilleis, sed malè certis aut firmis. Conuiuæ enim fuisse videntur pilleati. Horatius suspicionem clarè facit:

*Ut vincsa glomos furtivæ Pyrrhialanae,  
Ut cum pilleolo soleas conuiuia tribulis.*

Nam habitum conuiualem adtribuere illi nescio cui videtur, Soleas & Pilleum. Itaq. vetus ibi interpret: *Néue sic suffarcinatus eas, ut unus de tribu, qui ad cenam vadens, ipse sibi soleas fert cum pilleolo.* Et paulò pòst: *Hæc erat consuetudo* \* *veteranorum, pilleum portare cum calceis.* Quibus verbis quid sani subsit, haud sanè video. Et ambigo in toto hoc ritu. Primum, quia in tam crebra conuiuiorum mentione pilleos non alibi inuenio. Secundò, quia inepti iidem, me iudice, conuiuantibus; ob vnguenta,

Conuiuæ.

\* An, veteratorum?

Sed ambigua eares.



guenta, ob coronas. Illud credo magis, pilleorum vsum in balneis fuisse: à quibus cum exirent, eosdem aliquando retinuisse etiam in mensa. Certè lapis antiquus Patauij est, vbi conuiuij aliqua forma. & qui accumbunt, partim capite nudo, partim velut pilleolo aut fasciâ deuincti. Sed hem! quod me pænè fugerat, Athenæi locus est, qui nescio an \* stabilitor & stator pilleo conuiuali. Nam loquitur apud eum libro vi. Λαρενσιος δὲ ἔχοντες καὶ ὑποδέστας οὕτελες, πίλλους τε ταῖς κεφαλαῖς περικέμεθα περὶ βατίων δερμάτων διατείς. id est: *Vestēs etiam habemus et calceatus frugi ac simplices, et pilleos capitibus circumponimus ex ouium pellibus densos ac villosos.* Nec est fanè vt pilleos illos aliter accipiamus, quàm aut de mensalibus (in conuiuiō enim hæc dicta) aut peregrinantibus. Quod postremum ipse Larensius firmare videtur, qui præmisit, *Romanos nihil superflui in vestitu habere, ὅτε ἀπερχομένους*: id est, vt ego interpretor, *nec peregrinantes quidem, aut aliò abeuntes.*

\* Sicut & Saturnaliorum pilleus, manifeste videri possit à conuiuali ritu: non aliter quàm Synthesis.

## CAPVT XX.

*Obiectio pro pilleo: eaque remota. Quis mos Romanus in capite aperiendo, & operiendo. Plutarchus explicatus. Palliolum ad caput tegendum: eaque in re Seneca, Petronius, Plautus illustrati nouiter.*

**A**T me, Lipsi, sermonis iam seriò tædet, & sessionis. Abeo. Imò ego te teneo, inquam: & nodum iniicio, quem prius necessum est soluas. Romanos adfirmas capite intecto: & in parte mihi persuades. Sed de honore tamen quomodo expedis? quomodo caput digniori alicui aperuerunt, si id semper apertum? Nam Sallustius ecce scribit: *Sullam in victoriâ Dictatorem, equo descendere Pompeio uni, adsurgere de sellâ, CAPVT APERIRE solitum.* Et nequid de militiâ hîc cauillere; audi Senecam, qui recenset vt vulgatissimum morem. *Si Consulem videro aut Pratorem, omnia quibus honor solet haberi faciam: equo desiliam, CAPVT APERIAM.* Risit secundùm ista Florentius, Et heu Gordium nodum! inquit. vbi Tenedia securis? Non vides etiam in illis Senecæ verbis effugium, de militiâ aut peregrinatione? Nam desultum etiam ex equo addit. equi autem  
vñs

Caput aperuisse, in honore habendo, Romanos.

vsus infrequens aut nullus in vrbe. Sed tamen confide. non vtar his effugiis: veram soluendi viam infistam, sine diuerticulo vllò aut flexu.

Quam præit mihi clarè Plutarchus, in Caussis. Quomodo id factum.

clarè quidem vt verba Græca sunt: nam interpres rem totam inuoluit caliginosâ & delutâ versione. Ait: οἱ Ῥωμαῖοι τῶν ἀνθρώπων τοῖς ἀξίοις

μηδὲς ἀπαντῶντες, καὶ τύχῳσιν Ἰπὶ τῇ κεφαλῇ τὸ ἱμάτιον ἔχοντες, ἀποκαλύπτουσι. id est: *Romani,*

*sicui obuiam facti sunt, cui honor habendus, & si fortè caput veste iniectâ tectum habeant, id reuelant.* Plutarchus paulò consideratius, quàm ab interprete, verus.

En capitis omnis tectio: en apertio, quæ Romæ. Laciniam togæ inquam (ea enim Plutarchi vera mens) in caput sæpe reiiciebant, contrà ventum aut æstum: eamque detrahebant in honorati alicuius occursum. Plutarchus

idem eum habitum expressit in Gracchis, de Nasicâ: τὸ κραπεδὸν Ἰματίῃς θέμεν Ἰπὶ τῇ κεφαλῇ: *Laciniam togæ reiiciens in caput.* Et passim nummi & marmora præferunt, quoties præsentant sacrificantes. Atque hæc vulgata tectio, & sine notâ. aliam etiam eruo, quæ de-

Lacinia togæ caput tectum.

licitorum aut imbecillium propria, quæque sæpe cum suspitione luxus. Ea erat, vt capite incederent palliolato. Seneca de ingenioso nostro, sed enervi Musarum patre: Mæcenatem

Interdum palliolo, sed ab ægris aut delicatis.

M dico.



dico. *Hunc esse, qui in tribunali, in rostris, in omni publico cœtu sic apparuerit, ut pallio velaretur caput, exclusis utrimque auribus, non aliter quàm in mimo*\* *Diuite fugitivi solent. Plutarchus superbiam Pompeiani liberti, Demetrii, taxans: Domino stante ipsus, inquit, accubebat* ἔχων δὲ ὧτων καὶ τὴν κεφαλὴν τὸ ἱμάτιον. Qui locus benè allucet illi Senecæ. sicut & huic Petronij describētis accubitus mollissimi omnium Malcionum: *Pallio, inquit, coccino adrasum incluserat caput. Et Plauti versum ausim illuc trahere, à paucis propriè intellectum:*

*Tum isti Græci palliati, capite operto, qui ambulant.*

Scænicè enim tangit delicatos & molles istos, quod etiam aliàs solet per occasionem. Sed dixi quoque ægros eo vsos: haud dubiè cum iustiori iam excusatione. Nec de\* alio palliolo capies illa Suetonij, Claudio cap. 11. *Ob valetudinem, gladiatorio munere, nouo more, palliolatus presedit.* Hoc Quinctiliani: *Palliolum, sicut fascias & focalia, sola excusare potest valetudo.* Item Senecæ: *Videbis quosdam graciles, et palliolo focalique circumdatos, pallentes & ægros.*

\*Vide si lubet Epistol. Quæst. lib. 211. epist. 211. per hoc loco.

Petronio lux.

Et Plauto.

\*Et si paullo aliter ego cepti, in 1. Saturnal. meorum, cap. 111. Nunc nuto, & pænè mureto.

## CAPVT XXI.

*Spoliarij vbi locus fuerit. Gladiatorum cadauera vnco tracta. Victor illustratus. De gradibus qui intrà porticus.*

ET satin' vt exsolui hunc nodum? certè me. iamque abeo & surgo bonâ fide. Simul descendit. ego consecutus sum, & ad portam cum venissemus quæ ducit ad Forum, Heus tu, inquam: Spoliarium nōne etiam in Amphitheatris? vbi illud? Florentius, Non in ipsis, inquit, sed iuxtà ipsa. Et censeo è regione ad alteram illam portam fuisse; quæ, nisi fallor, Libitinenfis. Nam Spoliarium, quod receptaculum mortuorum aut grauitè in Arenâ læsorum, iure constituam iuxtà mortualem istam portam. Enimuerò solent gladiatores occisi turpiter vnco per Arenam trahi in Spoliarium. Docent adclamationes illæ Senatus, quæ apud Lampridium in Commodò: *Gladiatoris cadauer vnco trahatur: gladiatoris cadauer in spoliario ponatur.* Et hoc idem censeo Victorem significare, in Domitiano, cum scribit: *At Senatus gladiatoris more funus ferri, radendumque nomen decreuit.* Iamque ad Porticus veneramus, ad quas substitit, Vidésne hos gradus? in-

Spoliarium  
probabiliter  
ad portam  
Libitinensem

Gladiatores  
tracti.

Quid sit Funus gladiatorum.

M 2 quiens.

Gradus in-  
teriores, per  
quos ad spe-  
ctacula ad-  
scensus.

quiens. Paulum etiam ascende: videbis alios, ita flexos & dispositos aptè, vt quantumuis conferta multitudo statim egredi & ingredi ordinatè & sine conflictu potuerit. Ordines hi graduum siue scalarum, vt vides, miro artificio pænè inuicem decussantur: & ad ostiola sua siue Vomitoria singuli ducunt. Iam columnæ istæ, iam coronæ, epistylia, zophori; &, vno verbo, omnia exteriora huius operis; admiranda nostro sæculo non imitanda. Sed hæc videlicet potentia Romana, hæc olim opes: quas etiam docti plerique capiunt dumtaxat & vident per nubem.

Incredenda  
imperitis  
potentia Ro-  
mana.

## CAPVT XXII.

*De pegmatis accuratè dictum. Latinis, Confixa. Apuleius explicatus nouè. Pegmata libraria in Cicerone. Theatrica qua forma, & cui vsui. Mira in iis & stupenda. Varij ad hanc rem scriptores aduocati, & cum luce dimissi.*

**E**GRESSI iam eramus, & viam rectam institimus ad Forum. Atque ego, Hoc vnum etiam Florenti, inquam. vbi Pegmata hîc? aut quid sibi voluit poëta eo verbo? Nam  
ruminor



ruminor Martialis eccillos versus, quos adduxti:

*Hic ubi sidereus propius videt astra colossus*

*Et crescunt mediâ Pegmata celsa\* viâ.*

Florentius, Properare tibi melius fit, adolescens, inquit. Nam, ut dici tempus est, ad aulam tuam venies vacuis iam aulis. cæna inquam tibi comesa erit. Sic fiet, inquam: tu modò aures mihi farci, ut cum Varrone dicam, scholicâ istâ dape: quâ explear numquam.

Age, inquit Florentius: sed ut sine iacturâ tuâ sit, inter eundum. Pegmata antiqui appellarunt machinas quasdam è ligno, quibus usus in theatris aut Arenis. vox Græcâ origine est, ἀπὸ τῆς πήγυμι, quod est Figo, Gelo, Compingo. Itaque Glossæ priscæ πήγµα interpretantur

\**Confixum.* & doctè Apuleius *confixilem machinam* dixit, allusione ad vim ipsam verbi. De Pegmatis enim ego interpretor, quæ lib. IIII. scribit in apparatu muneris: *Confixilis machinae publicæ. turres tabularum nexibus, instar circumferaneæ domus, \* floride picturæ: decora futura venationis receptacula.* Pegma paulò aliter, pro loculamentis pluteisque librariis Cicerò dixisse videtur lib. IIII. ad Att. epistola VIII.

*Nihil venustius quàm illa tua pegmata. postquam misisti, libros illustrarunt valdè.* At no-

\*Ponit clarè in viâ, & credo illinc in theatra, siue Amphitheatra, duci solita, ne loci aliter frustra occuparent.

Pegma, unde dictum.

\*Dubites an non Lucillij iocus apud Cicer. II.

De orat. huc spectaverit, Quid Decius Nucula, An confixum vis facere? inquit. ubi & obicæ-niras subesse videtur.

\*Picta enim Pegmata, infra ex Clau-diano.

In bibliothecis pegmata.

Qualia hæc  
theatrica.

strum istud, non aliud quàm grandis quædã  
& ingeniosa contabulatio, quæ sponte & oc-  
cultè statim cresceret, statim subsidêret. ideoq.  
compacta raris quibusdam tabulis & sublicis.  
Prudentius:

*Tabulis supernè strata texunt pulpita*

*Rimosa, vari pegmatis compagibus.*

Et tabulis ra-  
ris & inter-  
lucentibus,  
ad laxãda &  
compressen-  
da.

Quæ ornatus causã, tecta sæpe argento, vel  
auro sed tenui. Martialis:

*Hac fuerat nuper nebulâ tibi pegma perunctû.*

Argento te-  
cta.

Etsi Caius Princeps, vt Plinij verba sunt, in  
*Circum* (ita lego) *pegma duxit, in quo fuere ar-*

Augustini  
ad pegmata  
non dubia  
allusio.

*genti pondo centum vigintiquattuor.* In his Pe-  
gmatis varia inuenta & stupendi lusus inge-  
niorum. de quibus Augustinum loqui sentio  
libro xxii. De ciuitat. cap. xxiv. *Ad quàm*  
*stupenda opera industria humana peruénit? quæ*  
*in theatris mirabilia spectantibus, audientibus*  
*incredibilia, facienda & exhibenda molita est?*

Graphica  
eorum de-  
formatio in  
Senecâ.

Nam ait, in Theatris. Seneca pleraq. ea omnia  
conatus est exprimere, Epistola, xci. *His licet*  
*annumeres, inquit, machinatores, qui Pegmata*  
*ex se surgentia excogitant, & tabulata tacitè in*  
*sublime crescentia, & alias ex inopinato varie-*  
*tates: aut dehiscenibus, quæ cohærebant; aut quæ*  
*distabant, sua sponte cohærentibus: aut iis quæ*  
*emine-*

*eminebant, paulatim in se residentibus.* Cre- Crescebant subito.  
 scebant, ait, in sublime. Ideò Martialis,

*Et crescunt media pegmata celsa via.*

Subsidebant eadem: & rectè Claudianus: Desidebant.

*Mobile ponderibus descendit pegma reductis.*

Quin interdum chasmate & ruinâ subitâ de- Ruinâ absorbeantur.

hiscebant: siue tota pegmata, siue homines

qui impositi. De machinâ ipsâ, Apuleius in- Apuleius correctus.

dicat lib. x. *Jamque tota suaue fragrante ca-*

*uea, montem illum ligneum terra vorago decer-*

*pit.* siue, vt liber scriptus, \* *decepit*: bene & \*Nisimaui, recepit.

propriè. De hominibus, Petronius: *Non ta-*

*ces, inquit, gladiator obscene, quem de RVINA*

*Arena dimisit?* *Non taces nocturne percus-*

*sor, qui ne tum quidem cum fortiter faceres,*

*cum pura muliere pugnaſti?* Significat enim

apertè, fugituum illum in Arenam damna-

tum & cum foedâ muliere aliquâ (non dissi-

mili schemate, quo asinus Apuleius) commis-

sus, ruinâ Pegmatis præter spem euasisse. Et

clarè iterum: *Ergo me non RVINA terra po-*

*tuit haurire? non iratum etiam innocentibus*

*mare? Ausugi iudicium, Arenæ imposui, hospi-*

*tem occidi, vt inter audaciæ nomina, mendicus*

*exsul in diuersorio Græca urbis iacerem.* Et so-

lent interdum ita componere pegma & hanc

ruinam;

Petronio lucem damus.



Homines in  
subiectas fe-  
ras præcipi-  
tati.

ruinam; vt ij qui impositi, præcipientes ruerent  
in caueas ferarum: ibiq. discerperentur. Stra-  
bo eleganter de Siculo quodam latrone qui  
Ætnæ filius audiebat: τῆρ', inquit, ἐν τῇ ἀγορῇ,  
μονομάχων ἀγῶνι συνεστῶτον, εἰδομένη διασπα-  
θέντα ὑπὸ θηρίων. Ἐπὶ πῆλματι γὰρ πνέοντι ὑψη-  
λῶς τεθεῖς ὥς ἀν' Ἐπὶ τῆς αἵτης, διαλυθέντων αἰφνι-  
δίως καὶ συμπεσόντων, κατέπεσεν καὶ αὐτὸς εἰς  
γαλεῖρας θηρίων ὁ διαλύτης Ἐπίπτεδες παρεσκευασ-  
μένας ὑπὸ τοῦ πῆλματος. id est: *Eum nos in foro,  
per ludos gladiatorios, discerpi à feris vidimus.*  
*In sublimi enim tabulato, tanquam in* \* *Ætna,*  
*positus, eoque compagibus solutis subito concide-*  
*dente, ipse quoque cecidit in caueas ferarum que*  
*facile exsoluerentur, infra tabulatum de indu-*  
*stria dispositas.* Sed & flammaram quidam  
lufus & imago in hoc Pegmate: sine vllâ eius  
plerumque noxâ. Claudianus:

\* Forma sci-  
licet montis  
lignei, vt in  
Apuleio.

Flammarum  
lufus in pe-  
gmate.

*Mobile ponderibus descendat pegma re-*  
*ductis.*

*Inq. chori speciem spargentes ardua flammæ*  
*Scena rotet. varios effingat Mulciber orbes*  
*Per tabulas impune vagus: pictæq. citato*  
*Ludant igne trabes: Et non permissa morari*  
*Fida per innocuas errent incendia turres.*

Vopiscus in Carino: *Pegma prætereà, cuius*  
*flammis*

\* Adde Apu-  
leij locum  
suprà: *Flori-*  
*da pictura.*  
Pingi enim  
hæc pegma-  
ta solent.  
\* Etiam A-  
puleius su-  
prà nomi-  
nat.

*flammis scena conflavit: quam Diocletianus postea magnificentiorem reddidit.* Duces etiam

captiuos & opida in Pegmatis solere ostendi, Iosephus adnotat libro VII. Iudaici excidij:

Capriui du-  
ces in pe-  
gmatis.

sed non hæc Theatrica intellegens, verùm Fer-  
cula quæ portari solita per triumphum. Ver-  
ba eius: *Θαῦμα δὲ ἐν τοῖς μάλιστα παρῆχεν, ἡ τῶν*

Quæ tamen  
diuersa paul-  
lò ab istis.

*φερρωμένων πηγμάτων κατὰ σκευή. καὶ γὰρ διὰ μέ-  
γεθος ἦν δεῖσθαι τῷ βεβαίῳ τῆς φορᾶς ἅπαν ἀπισή-  
σαντα. τετρώροφα γὰρ αὐτῶν καὶ τετρώροφα πολλὰ*

*πεποίητο. id est: Maximam autem admiratio-*

*nem præbuit apparatus Pegmatum, quæ fere-*

*bantur. Nam ob magnitudinem eorum, iure*

*metuere licebat, εἴ diffidere omnino viribus por-*

*tantium. quippe quædam triplici tabulato ad-*

*surgebant, quædam εἴ quadruplici. Statim-*

*que addit: τέτακτο δὲ ἐφ' ἐκάστῳ τῶν πηγμάτων, ὅ*

*τῆς ἀλισκομένης πόλεως στρατηγός, ὃν τρωπὸν ἐλήφθη.*

*id est: Collocatus autem in quoque pegmate erat*

*capte ciuitatis dux, eo modo quo captus. Ma-*

*gis propriè ad hæc nostra pertinent Suetonij*

*\* loci duo, alter in Caio, cap. xxvi. Claudio*

*alter, cap. xxxiiii. quos vide. Ambigo an*

*& Aristoteles ad Alexandrum, ad has machi-*

*nas non adspexerit: ὥσπερ δρῶσιν οἱ μηχανότεχνοι,*

*διὰ μιᾶς ὀργάνου χαστηρίας, πολλὰς καὶ ποικίλας*

\*De quibus  
non repeto  
mihi scripta  
II. Saturn.  
cap. xiv.

N

ἐνεργείας

\*Qui aure-  
um illum  
libellū ver-  
tit verbatim  
pænè.

ἐπερφέας ὑποτελόντες. Certè\* Apuleius, dum  
verba ea vertit: *Machinatores fabricarum, a-  
stutiâ unius conuersionis, multa & varia pari-  
ter administrant.* Parapegmata etiam nomi-  
nata Vitruuio inuenies, pro instrumentis astro-  
logorum: & in Laërtio scriptum, Democri-  
tum scripsisse Astronomica parapegmata. In-  
ter hos sermones, ventum iterum ad Pantheon.  
ille ad sinistram, ego ad dextram, vale dicto,  
defleximus.

FINIS.

### ERRATA VEL OMISSA.

Pag. 16. de rasâ arenâ Ouidij, possit Epitheti & hæc causâ adferri, quòd  
superficies tota arenæ æquabilis & velut rasa.

Pag. 55. hæc verba, *Formam ex are hic vides.* discriminari aliâ litterâ à reli-  
quo textu & secerni debebant: quia non Dialogi pars, sed seorsum  
apposita ad indicium de subiectâ Graduum formâ.

Pag. 65. lin. 15. in *Murenam.* Scribe, *Menam.*

INDEX



# INDEX CAPITVM.

## CAPVT I.

*Dialogi occasio. Florentij Laus. Vrbs diruta, non diruta: & splendida eius ruina.*

CAP. II. *Ad Amphitheatri descriptionem aggressio. Primò de nominibus eius quaesitum. Cur Amphitheatrum dictum, & cur Cauea.*

CAP. III. *Arena nomine dictum eundem locum. idè quia sterni arenà solitus. Cuius generis ea stratura? quàm varia? Plinius & Ouidius explicati. Arenarj. Tertullianus emendatus, & declaratus.*

CAP. IV. *Ex occasione, de diis quibus Amphitheatrum sacrat. Diana in primis. Ioui Latiari, siue Diti. item Saturno. Ara Iouis in Arenà. Mactatio ad eam stata vnius è bestiariis. Tertulliano ac Minutio lux.*

CAP. V. *Quando prima Amphitheatra cœpere. videri serò irrepsisse: idque statim post Venationem. Sed lignea primò fuisse. mox è lapide, Statilij Tauri. Augustum deditum Venationibus. Dio correctus. Antiquariorum error in loco Tauriani Amphitheatri.*

CAP. VI. *Tauri Amphitheatrum exustum, & reparatum. Aliud maius à Vespasiano structum. vrbe veteri medià. Suetonius correctus. Fortasse & Victor. Titus dedicauit id opus. postea collapsum, & saepe instauratū.*

CAP. VII. *Communis Amphitheatri Titiani forma. Altitudo, & capacitas eius. Laus & praconia. Denique vbi situm. Martialis explicatus.*

CAP. VIII. *Ingressio in particularem Amphitheatri descriptionem. Primùm de forma eius: quæ Qualis osten-*

*sa. Calpurnius & Dio explicati. De solo Arena: in quo cloaca siue specus. & cui rei? Item de portulis.*

CAP. IX. *De Specubus subterraneis, amplius. item de Caueis in Amphitheatris. Linij defectus aut expletus, aut sententia eruta. Porta in caueis, & Plauto lux. Emissio ferarum, & immissio.*

CAP. X. *Aliter atque aliter solere ornari hanc Arenam. in modum siluæ, in modum maris. Antra pro caueis: interdum Naues. Vopiscus, Apuleius, Calpurnius emendati.*

CAP. XI. *De muro qui Arenam cingit. de Podio quod super eum. eius forma. Dignissimum eum locum ad spectandum, Senatui adtributum, imò magistratibus. Aptum ad curules sellas. Principis ibi Suggestus, Tribunal pratoris: & Vestalium sedes.*

CAP. XII. *Quod tutamen infimo illo podio fuerit à feris. Retia solere prætendi, benè nexa, benè firma. Versatilia item quadam ligna: Cancellos ferreos & Euripos. Sudatum in Calpurnij versibus.*

CAP. XIII. *Gradus, & eorum forma. Diuisi accuratè in suas partes. Puluilli in iis. Præcinctiones. Aditus. Via. Cunei. Cathedra. Porticus. Vitruuius, Tertullianus, Martialis, Calpurnius, varij scriptores variè emendati aut illustrati.*

CAP. XIII. *De ordine & locis in sedendo. Quando discrimen id factum. De orchestra. de equestribus: & Tribunos quosdam nouos fuisse inter Equites. De popularibus. de quæ loco pullatorum & Feminarum.*



## INDEX CAPITVM.

CAP. XV. *Confusa aliquando locorum series: eaque occupata. Aes pro Locis. Plantus explicatus, & Suetonius, & Martialis. Designatores, eorum munus. Excitare. Tribuni voluptatum.*

CAP. XVI. *Tubi occulti in Amphitheatris ad Sparsiones. Eas è croco diluto fuisse. Apuleius emendatus. Videri eundem liquorem è statuis emissum. Pluria ad hanc rem exempla.*

CAP. XVII. *Vela in Theatris & Amphitheatris. Quando eorum vsus cøperit. Colorata ea fuisse. aliquando & purpurea, auro distincta. Testimonia plura.*

CAP. XVIII. *Eadem Vela à Iuuenali Velaria dicta. Quid Velarij Augustei. Umbella vsum & causia fuisse, velis non expasis. Martialis & Vopiscus explicati. Umbellati clauis.*

CAP. XIX. *Per occasionem, de pilleo quasitum. fuerintne eo vsi Ro-*

*mani? Non videri: imò nec Gallos aut Germanos. Certa tamen tempora fuisse, quibus permissum tegmen: certos item homines. Nodi plerique omnes in eâ re, & scriptores explicati.*

CAP. XX. *Obiectio pro pilleo: eaque remota. Quis mos Romanus in capite aperiendo, & operiendo. Plutarchus explicatus. Palliolum ad caput tegendum: eaque in re Seneca, Petronius, Plantus, illustrati nouiter.*

CAP. XXI. *Spoliarij vbi locus fuerit. Gladiatorum cadauera vincta tracta. Victor illustratus. De gradibus qui intra porticus.*

CAP. XXII. *De pegmatis accuratè dictum. Latinis, Confixa. Apuleius explicatus nouè. Pegmata libraria in Cicerone. Theatrica quâ formâ, & cui vsui. Mira in iis & stupenda. Varij ad hanc rem scriptores aduocati, & cum luce dimissi.*

### F I N I S.



# PRIVILEGII CÆSAREI

S V M M A.

**M**AXIMILIANI II. Romanorum Imperatoris semper Augusti, publico edicto cautum & sancitum est, ne quis cuiuscunque status, gradus, ordinis, aut conditionis fuerit, quacunque sacri Romani Imperij, & ditionis eius fines parent, quacunque probatorum auctorum opera, quotquot vel hætenus nondum impressa, vel ab aliis quidem impressa, nouis autem deinceps scholiis, annotationibus aut commentariis aucta & illustrata, Christophorus Plantinus ciuis & typographus Antuerpiensis primus typis procuderit, intra proximum sexennium à prima cuiusque operis aut voluminis editione, vlllo pacto eiusdem vel diuersi characteris forma excudat, aut excusa ab aliis, intra eiusdem Maximiliani & Imperij fines vendenda importet, seu quouis modo distrahat manifestè vel occultè, sub pœna decem Marcharum auri puri, quarum dimidia fisco Imperiali fraudis vindici, residua verò pars prænominato Plantino cedat, præter librorum ad imitationem impressorum amissionem, quos idem Plantinus vbicunque locorum nactus fuerit, per se, vel suos, adiumento Magistratus loci, vel citra, propria auctoritate sibi vindicare, inque suam potestatem redigere poterit. In cuius rei fidem ipsi Edicto manu subscripsit, & sigillum apponi iussit Cæsarea Maiestas. Datum in ciuitate Viennæ Austriæ, die vigesima prima mensis Februarij, anno Domini M. D. L X V.

*Subsig.*

Maximilianus.

Ad mandatum sacræ  
Cæs. M. proprium

*Haller.*



